

I POBWE LYA MYEEMBO

 Atu kotamike mitwe yesu. Mwami, aa ciindi cimwi cisale kwa kaambwa, aa basikwiya Bako bayandwa, "Ko tuyiisyu ku paila." Nkambo cindi twa jata kukubona kwa Leza mupati wa Julu, tula mwvisya nzila mbo tu teeeli. Aboobo kotu yiisyu ku paila, Mwami, mu myoyo yesu lino, ku zintu ezyo—ezyo zinga zya gwasya ku Bwami Bwako a ku balanda Bako. Yebo uli zyi kubula kwa muntu aumwi okuno.

² Elyo awa aa desiki, cifumo cino, kuli tutambala a tusila, a tuputu buyo tuniini kuzwa ku bapengede ba lugwasyo lwa kunyaama, a ku ng'anda, a ceeco kufumbwa mbo cinga caba. Pele Nduwe Leza, a Leza olikke, Leza wini luzutu oyo uliko. Elyo twa Ku lomba mu Zina lya Jesu, Mwana Wako uuyandwa, kuti Uyo ponya umwi aumwi wa baaba. Elyo inga kwaba bamwi awa abo bata jisi katambala awa, na katupu, abo bayanda kuponesegwa.

³ Inga kwaba bamwi ku masi oonse, kuzunguluka inyika, akwalo kuti teepu eyi iyo swaana mu maanda abo na mambungano abo. Inga twa paila, Mwami, kuti kuciindi kuswaangana noku citika, ku—ku...na teepu noi lizigwa, na kufumbwa busena motu nobede, na—na ciimo, akube kuti Leza mupati wa Julu azwidilizye kusinizya oku kwa myoyo yesu cifumo cino, a kuponya babulide, ku bapa eco ncoba bulide.

⁴ Kotu longezya lino mu kuswangana kuboola. Kanana kwiinda muli ndiswe, mbuli kutana citikide, nkambo ka Bwami bwa Leza. Twa lindila, mu Zina lya Jesu, ku bwinguzi Bwako. Ameni.

⁵ Sa ula ndigwasya kuli ceeći? [Mukwesu Branham wagusya zintu kuzwa ku cikambaukilo—Mul.]

⁶ Ncibotu kuba omuno mu mbungano alubo cifumo cino. Elyo Ndali kwaambaula ku beenzuma bamwi abo bazwaa kunjila kuzwa ku Ohio, ku musimbi muniini, oyo waka letwa kumusanza okuno myeezi misyoonto yaında, oyo wakali kufwa ku bulwazi lukemiya. I bantu bakali bacete loko, bazyali. Elyo Nse jisi ciindi cifumo cino ca kubala i—i bumboni buyo lembwa mu pepa. Pele kuli cifoto ciniini ca musimbi nikwakainda mazuba otatwe, Nda syoma mbo cakabede, nakamana ku paililwa. I madokotela baka mupa buyo mazuba otatwe aakupona, alimwi mu mazuba otatwe kumane tii bakakonzya kujana akwalo mukondo wa mbubo. Elyo aboobo uli mu cikolo, kakkomene kapati. Ndili masimpe mbungano ila ibaluka cindi ni twakali anguwe okuno mu kaanda.

⁷ Elyo akwalo muvwanda muniini oyo wakazyalwa a matumbo, mbuli, akali aanze. Mbokuboneka bamadokotela, a ciimo eci ciniini nzila matumbo mbwa kapangwa, takali

kukonzeka kujosegwa. Ba kali yoowede kuguma cintu ciniini, wakali muvwanda buyo wakazwaa kuzyalwa. Elyo lino, mulombwana muniini utandila mwaka kukomena, Nda yeeyela, cintucimwi mbuli ceeco, a matumbo ali kabotu, zintuzyoonse zili buyo kabotu mbuli mbo zikonzya kuba. Lwalo nduzyalo buyo lwa Leza, kuti obo Mbwali mubotu kuli ndiswe.

⁸ Lino, sunu, Ndi yanda kwaambilizya kuti muswaangano oyo ngo twa kali kukanza, Nda kali kukanza kwiinka mu mvwiki eyi itobela mu—mu Africa, okuya a Mukwesu Joseph Boze, mu Kenya a Tanganyika. Tii twa konzya kubaa muswaangano, a telegiramu kujokela kuzwa ku Mukwesu Boze, “Mvwiki yainda botatwe mamissionari esu eni aka nyonyoonwa, a kujaigwa.”

⁹ Elyo ba jisi kupapila kulwana bulelo okuya lino. Elyo bana kkomunizimu basisikizya kunjizya ntobolo kuli basicisi, kaba taminina kuti ba jisi maato azezya inswi abikkidwe koonse, Usubila China a Russia; a kutola ntobolo kuli basicisi, elyo taba zyi kabotu kuzibelesya cita a cintu cili coonse ncoba bona ku zibelesya. Aboobo, okuya, i—i—i mfumulende ya kayeeya kuti inga tii caba cabusongo kuba a muswaangano ku ciindi eci. Elyo mbuli Mbwe mvwide, akwalo, kuti Mukwesu Boze ta konzyi akwalo kujula cikolo cakwe mu cilawo eci, oko Nkwe kali kuunka, ku ciindi eci. Pele tii walesegwa, wa saya buyo kusikila bakonzye ku cisitikizya alubo.

¹⁰ Kkomene maningi cifumo cino ku bona, akati kesu alubo, kwa myaka minji yaku tabako, Mukwesu Jackson, Mukwesu Sidney Jackson a Mucizi Jackson, bazwaku South Africa. Sena ba kanana? [Mukwesu Neville waamba, “Iiyi.”—Mul.] Elyo bantu aba bakali bakwesu a bacizi bangu ncobeni, a basikubeleka aamwi mu muswangano wangu mu South Africa, lweendo lutaanzi lwakainda. Mpawo, tula syoma kuti buzubabumwi, kwiinda ku luzyalo lwa Leza, kujokela ambabo alimwi, nkambo cila yandika kapati.

¹¹ Elyo Ndali kusola kwa myaka ili fuka kujokela. Pele, nkaambo ka tubunga, a zimwi zimbi, taba kandi lekeli kujokela. Aboobo Nda kaba lembela lugwalo calino, a kuti, “Mpawo kube kuti bulowa bwa bantu abo basweekede bube ali ndinywe a kutali ali ndime.” Nkambo, Nda syoma kuti Leza wakali kuyanda kubellesya mulimo wangu okuya, ku bantu abo, kwa ciindi cimwi. Elyo kwiinda ku kwiimpana kwabo kwatubungwe, taba kandi lekeli kujokela. Pele, ncibotu, Mwami uyo mamela ceeco.

¹² Lino, cintu Nce lombozya kwaamba cifumo cino, kuti na Mwami wayanda, Mukwesu Neville wandi lomba kuba a kuswaangana sunumasiku, alimwi ku Cikombelo. Aboobo tu...Mwa tambwa koonse. Elyo Munsono mutobela, na Mwami wayanda, Ndi nooli kookuno, akwalo; mpawo ndiza kwa Munsono mutobela kobilo na kotatwe, nkaambo

kakutabako kwa ceeci, mu kulesya muswaangano oyu oyo wakali kubambwa.

¹³ Lino, akwalo tu yanda kwaamba, kuteeti, Nda ti ambweni inga twa kambauka Myeembo ili Ciloba kuciindi eci. Twa kalibuzya nzila mbo twakali kuyo cicita mu kuteelela kwa musela wa buyake a penzi lya kubula kwa eyakkondishina, taakwe muwo mu kaanda. Ta buna bambwa kuba a eyakkondishina. Elyo twa kasola kubbadelela cikolo eci kutala okuno, ci jisi eyakkondishina, eco cijisi zyuuno zitandila . . . Oh, Ta ndizi; musela waku kkala uli kabotu, cikolo cibotu loko. Pele tii twa kakonzya kujana cintu.

¹⁴ Elyo, inga cacita, bayo tupa mvwiki iboola. Pele, mvwiki iboola? Mwabona, kuli baiminizi baboola kuzwa ku zibeeela zyandeene zyanyika; bazwa ku Jamaica, a bazwa ku Tusuwa, a bazwa ku musanza, amwalo mu South America, a Canada, a Mexico, a ku masi oonse. Elyo twa katumina kuzibya mu Muvulo, mpawo tiiba kakonzya kukutambula cita kusikila kutandila Bwatatu na Bwane; elyo mpawo kulomba ciindi cakutabako, a zimwi zimbi, eco ciyo citola kulaale.

¹⁵ I mvwiki ziboola, kuyabuya, kusikila ku ciindi ca zikolo, inga, waku bweza busiku bomwe, elyo mpawo kutabako ndiza busiku a bobile, mpawo kuba alimwi, mpawo . . . Tii twa kakonzya ncobeni kucita ceeco. Tee mwaka konzya kucicita.

¹⁶ Nda kalibuzya kaambo, cindi ni Nda kakomba cakusinizya. Elyo mpawo citandila kuba ciindi cesu kujokela ku Arizona alimwi, ku bana kuya ku cikolo. Elyo mpawo tu . . . Nda kali kwaambaula ku mukaintu.

¹⁷ Elyo, ee, jilo Nda kainka mu kaanda, elyo Nda kati, "Mwami, Inga—Inga tee ndabelesya mabala manji loko, pele, mvwisya, akaka, Leza, eco Nce kanza mu moyo wangu. Ino ndipenzi nzi lyakuti zintuzyonse zyalesegwa kukukambauka Myeembo eyo?" Elyo mpawo Wa kasika a ku ciyubununa. Elyo lino, cifumo cino, Ndi yanda ku kanana kuli ndinywe aa kaambo ncecili boobo.

¹⁸ Elyo lino atu, abo bajisi Mabbabbele alimwi ba yanda ku-ku, kuvununa mu Mabbabbele esu. Tula vununa lutaanzi ku Balevitiko, cipati ca 23 ca Balevitiko.

¹⁹ Ikuti na Mwami wayanda, sunumasiku Nda kambauka aa ciyo: *Kuya Bwiindilila Cilawo*. Elyo cinooli cifwafwi, aboobo inga mwa konzya kuba a ciindi caku jokela ku masena aanu kuyaku ncito.

²⁰ Tuli kkomene kuba abeenzu mukati, bantu bazwa kunze lya dolopo. Mbangaye bantu bazwa kunze lya dolopo baliko, kuciindi notu langa? Peseenti ili nainte faivi, inzya, peseenti ili nainte eiti ya mbunga. Aboobo, nywebo mwabona kuti taili Jeffersonville, balo mbantu abo baboola mu Jeffersonville, abo babamba . . . Tuli waano ku luzyalo lwa Mwami.

²¹ Elyo lino Ndi yanda kubala masena otatwe, cifumo cino. Bumwi bwa mbubo bujanwa mu Balevitiko cipati 23, a bumbi buli muli Isaya 18, a Isaya 27, nywebo nomu ceengela.

²² Elyo lino mucibaka ca kukambauka . . . I Mwami nawayanda, Njo cita ceeco sunumasiku. Pele Ndi yanda kuyiisya, cifumo cino, aa pobwe lya myeembo ili ciloba. Mpawo, mwezi oyu ngwa pobwe lya myeembo ili ciloba, kutalikila . . . alimwi walo mwezi waciloba, oyo unga waba Kunkumunamasamu wa 15, wakali matalikilo aa pobwe lya myeembo, mu milao ya Balevitiko.

²³ Lino, elyo ikuti na mujisi mapepa anu a zintu, elyo muyanda kulemba Magwalo a zibalo, a zimwi zimbi, mbuli mbo tuyu buya.

²⁴ Kuli cintu comwe ku muswaangano oyu, ku lapy, alimwi twa kazibila kuli ceeco kwa myaka. Pele muntu umwi inga wayeeya kuti Ndi syoma kuti cindi twa njila mu buyake obu nkuti tumana ciindi, ndiza, a bumwi, mubumwi mu Butamani, nzila Mbwe jata bantu kaindi kalamfu. Nse cikanzi kuba booboo. Pele Ndi syoma kuti tupona munsi loko ku Kuboola kwa Jesu, cakuti Nde elede kulya coolwe ca miniti lyonse eelyo Nde jisi kuba a bantu antoomwe.

²⁵ Elyo Nda kali kuyeeya, mbuli Mbwe li kweenzya kuselemuka mugwagwa kaindi kainda, mukuba kubusena nkambo ka mupailo muniini kakutanaba buyo kunjila cikambaukilo, mbuli mukutausi uli oonse uusiniziye ncobeni mbwa cita. Nda li kuyeeya, "Nywebo mulizi, tu jisi ciindi cabulemu loko cindi twa swaangana awa antoomwe! Pele, alimwi bantu babungana kuzwa ku masi manji, bakkede moonya omuno lino, kuzwa kulaale, myaanda a myanda ya mamaile, elyo twa bungana antomwe ku kuswaangana ku Ijwi. Pele kuyo boola ciindi, calino, eci niciyooba ciibalusyo buyo ca luyando." Mbo mbubo.

²⁶ Ezi ziindi ziyo gusigwa kuli ndiswe, aboobo nkikako tweede kucita zyoonse ezyo nzo tuzi nzila ya kuzicita, ku bamba ceeci, miniti lyonse, kulilanganya. Elyo kuyeeya eci lino, kuciindi no tupenga mu kupya kwa cifumo. Elyo, nywebo mulizi, oonse mubili wamuntunsi ngu ii—ii muncini upanga kupya, lwawo, alimwi cicibamba buyumuyumu maningi ali ndinywe. Elyo, pele Ndi yanda kuti mumvwe Ijwi.

Lino, pele katutaninga ku—ku bala, atu paile.

²⁷ Mwami, kanji muntu uli oonse omuno inga wapusya maanza akwe, ula konzya kuvununa mapeeji aa Bbaibbele eli. Pele kuli biyo Omwe akati kesu cifumo cino uukonzya ku Li jula; oyo Muuya Uusalala mulemu, oyo uli akati kesu. Ko tujulila Ijwi, Mwami, mbuli mbo tubala, mbuli Mbo kacitila basikwiya, mbuli mbo bakali mu lweendo lwabo kuya ku Emau, a kutalika kubapandulwida Magwalo. Elyo akube kuti swebo, cindi twa zwa, twaambe mbuli baabo kabali kupilukila ku Jerusalemu kuzwa ku Emau, "Sena myoyo yesu tii yali kupya muli ndiswe

mbuli Mbwa li kukanana kuli ndiswe mu nzila?" Nkambo mu Zina lya Jesu motwa cilomba. Ameni.

Atwi ime mu lulemeko ku Ijwi.

²⁸ Lino, ciiyo cangu cifumo cino ngu: *I Pobwe Lya Myeembo*. Ndi yanda kubala lino kuzwa ku kampango ka 23 ka cipati 23 ca Balevitiko.

Elyo Mwami wakaambila Musa, kuteeti,

Ambila bana ba Israyeli, kwaamba kuti, Mu mwezi waciloba, alimwi mu buzuba butaanzi bwa mwezi, mu yooba aa sabata, ciibalusyo ca kulizya myeembo, imbunga iisalalisya.

²⁹ Lino, mu Bbuku lya Isaya, kutalikila kampango 1 ka cipati ca 18, eci ciswaanganya eci antoomwe.

Maawe ku nyika yaku sokonya kwa mababa, eyo ili kutala lya mulonga waku Etiopia:

Eyo iitumina baiminizi kwiinda ku lwizi, alo maato aa matete aa meenda, kwaamba, Kamuya, nywebo no batumwa basiluno, ku cisi cimwaikide... cinjelema, kuzwa i ku bantu bayoosya... cisi ca keenzemunwa a ku lyataulwa ansi, abo ba nyika ya nyonyoonwa ku mulonga!

Elyo nywebo no bantu boonse ba nyika, a bakkala aansi, amubone nywebo, cindi a sumpula cizibyo a cilundu; alimwi cindi alizya mweembo, amu mvwe.

³⁰ Muli Isaya 27:12 a 13.

Elyo ciyo boola kucitika mu buzuba obo, kuti MwAMI uyo vwimbula kuzwa ku mugelo wa mulonga kutozya ku tulonga twa Egepita, elyo muyo bungana omwe a omwe, O nywebo no bana ba Israyeli.

Elyo ciyo boola kucitika mu buzuba obo, kuti mweembo mupati uyo lizigwa, elyo muyo boola nomu libambilide kuloba mu cisi ca Asiria, a batande ba mu nyika ya Egepita, elyo muyo komba MwAMI mu cilundu eci cisalala ku Jerusalemu.

³¹ Atu kombe alubo. Mwami, longezya Majwi aya ku myoyo yesu. Akube kuti miyeyeo yesu a kuyeyeyela kwesu kube mbuli kulailila Kwako. Mu Žina lya Jesu. Ameni.

Inga mwa kkala.

³² Kuli zintu zinji maningi ezyo mwembeli nzyanga wayanda kwaamba ku mbunga yakwe eyo njayanda, ya bantu bandeene kuzwa ku masena aandeene, ezyo zinga tii zya zumizigwa ku kaambo ka ciindi.

³³ Lino mbuli mbo tuswena ku ciiyo eci, tu yanda kuti mulimvwe kwaanguluka. Elyo bunji bwanu muliimvwi; elyo ni Ndilikwiinda, mahoolo ali zwide, elyo milyango yaanje, a

ya kumbele, a kuzunguluka buyake, a kuzunguluka malambo. Aboobo, lino, ikuti na muyanda kucincana zyuuno kuli umwi aumwi, eci ciyooba kabotu.

³⁴ Lino, *I Pomwe Lya Myeembo*. Lino, oku kwakali kubungana kwa Israyeli, oko nko bakali kubungana antoomwe, pobwe lya myeembo.

³⁵ Lino, Nda kali kulangila kwa ciindicimwi ku–ku kukanana aa ciiyo ca Myeembo ili Ciloba mu Bbuku lya Ciyubunuzyo. Elyo lino tuyu langalanga eeci, aniiini buyo, ku kuleta kaambo keni kangu kuta kanana ciindi eci, nkaambo Muuya Uusalala inga tii wandilekela kukanana aciindi eci aa zintu ezi. Ndilizi kuti eco cimvwika bwana maningi, ndiza, ku bantu ba kwiiya a kumvwisya kupati, pele ku Munakristo cili andeene. Tu–tu tobela busolozi bwa Muuya, oyo ulikke.

³⁶ Lino, Nda talika kubona ku kukambauka kwa Makkalo aa Mbungano ali Ciloba, calo cili i–i ncikozyanyo, na kuzibya kwakunembo kwa zyoonse Leza nzyakali kuyo citila mambungano, elyo kwiinda mu mambungano, a kwaabikka mibusena.

³⁷ I macapita mataanzi otatwe aa Bbuku lya Ciyubunuzyo ayubununa kucitika konse kuli ku Mbungano. Mpawo, kuzwa ku cipati ca 3 kusika ku cipati ca 19 ica Ciyubunuzyo, taku cilibonyi limbi Mbungano. I Mbungano yakwempwa mu cipati ca 4 ca Ciyubunuzyo, a kubweedela mu cipati ca 19 ica Ciyubunuzyo, Nabwiinga a Simusa, antoomwe, kaba boola anyika. Elyo mpawo kuzwa ku cipati ca 19 ku kumaninizya kwa cipati ca 22, koonse kuli aa Mileniamu a ceeco ciyooba mu myaka eyo yeelede kicitobela. Kuciindi ca 4 kusika kuli ca 19, Leza ubeleka aa Israyeli.

³⁸ Lino, mpawo, cindi twa mana a bbuku lya ciyubunuzyo ica mbungano, eco Leza nca kacitila mambungano ayo ali ciloba, ayo ku ciindi eco aakali kumatalikilo anguwe, na cimvule cawo, mu Asia Niini. Mpawo Muuya Uusalala waka yubununa a ku tujulila maseseke oonse Omuya, nzila Mbwa kaleta Mbungano Yakwe kwiinda mu makani aakale. Elyo ikuti na to jisi *I Makkalo Aa Mbungano Ali Ciloba* aa teepu, inga caba cibotu na wa swiilila kuli ngawo. Elyo calino anooli mubupange bwa bbuku.

³⁹ Mpawo kucisiya buyo ali ceeco, a kuyeyela kuti kwaakwiinda kaindi inga tuyu kambauka aa Zinamatizyo, muku taziba obo Zinamatizyo mbo zyakabede.

⁴⁰ Nda kajisi muzeezo wangu wini, mbuli mukutausi onse mbwa cita, wa kubala eco ndiza baalumi bamwi nco bakaamba; elyo kusyoma mbubonya mbuli Mbwe konzya, a mbabo, aa zintu nzoba kabamba, kumaninizya kwabo. Nda kabala bbuku lya Ba. Smith, Uriah Smith, uli mwiiyi wa Adventisti, alimwi Nda kabala miyeeyo yakwe—yakwe ali ngawo. Elyo Nda kabala Ba. Larkin. Nda kabala, oh, bamwi banji bandeene, zya bupanduluzi

bwabo upati aali Ceeci. Pele, bumwi na bumbi, Nda kayeeya kuti Nda ka jisi ii—ii kukubona kuniini kwa ncico, lwangu, oko kunga kwabikka bwandeene. Pele kusola ciindi cimwi, kukanana buyo ziiyo zyotatwe, citaanzi...na ziiyo zyone zya basikutanta mbizi bone. Nda kakambauka ali nkuko kwa masiku one, omwe a omwe atala mbizi, a umbi.

⁴¹ Pele mpawo kacitana citika buyo, Nda kapegwa cilengaano, eco cili a teepu, mbuli mbo muzi nyoonse, *Nobaalumi, Ino Calo Nciindi Nzi?* cakuti Nde elede kuya ku Tucson, Arizona. Elyo okuya kunze lya lukula, atala mu cilundu, oko Nkwe kabede a bakwesu bamwi, a kwaamba makani a kubbotoka kupati kwa keelede kuyooba, elyo Nda...Baangelo bali ciloba baka seluka. Mebo nke yeeya, lwangu, kuti akali magolelo aa buumi bwangu; kaambilia mukaintu wangu kuba a Billy, a cakucita ku bana, a zimwi zimbi, kusikila tuka swaangane alubo ku lubazu lumbi.

⁴² Mpawo buzuba bumwi mu Sabino Canyon, kucindi Leza na kandiita cifumo fumo kutala okuya, Nda kali atala a maanza angu mujulu, nkepaila, nkabela panga lya kaboola mu maanza angu. Nywebo mulizi obo. Nda kaima awo a ku lilanga, mbubonya buyo mu janza lyangu mbo mubede lino, muku taziba eco neco cakali kwaamba. Elyo lyaka ndisiya a Jwi lya kat, “Eeli ndi Cceba lya Mwaami.” Elyo mpawo, kumane, cindi Angelo wa Mwami naka ciyubununa, Lyu kali Ijwi mu janza.

⁴³ Cakufwambaana kumane ceeco, Baangelo ba Mwami bakalibonya a kwaamba makani aa Myeembo ili Ciloba... na Zinamatizyo zili Ciloba, cakuti Nda keelede kupilukila kokuno ku Jeffersonville kuzo kambauka Zinamatizyo zili Ciloba. Elyo, okuya, ikuti na Nda kasola kwaamba cintu cili coonse eco caka nanikidwe, cakali muli ceeco. Mpaawo abusena Angelo wa Mwami mpa katu swaana, nkabela Bbaibbele lyakaba Bbaibbele lipya. Mpaawo mpo Lyu kajuka a kuyubununa zintu zyoonse ezyo basilubambululo a zintu nziba kasiya. Ca kali ciyubunuzyo cizwide ca Jesu Kristo, cipyu kumaninina kuli ndiswe, pele cakulondoka mbubonya mbuli Lugwalo. Eelyo lyakali Ijwi mbolya kabede lyoonse. Nda kali nanikidwe a kulaililwa maningi.

⁴⁴ Mpawo cindi ni Nda kasika ku cibeela eci awa, ca kukambauka Myeembo ili Ciloba, Nda kali kuyeeya, “Ee, Nse kasoli kuyeeya cili coonse. Njo lindila buyo mane ku cindi eco a ku Mu lekela kuciyubununa kuli ndime.” Elyo mpawo jilo cindi Ne kali... Nda kanjila mu kaanda a kulibuzya kaambo... Na, mundi jatile, bwakali buzuba bwa zona. Cindi Ne kanjila mu kaanda, kusola kumvwisya, cakaliko kuti Muuya Uusalala waka jula ceeci, kundi tondezya kaambo neco caatali kugwasya akwalo ku Mbungano ku ciindi eci, nkaambo ta cijisi cakucita a Mbungano, pe.

⁴⁵ Lino, maseseke masise aa Kristo kayubununwa cabuzule mu Zinamatizyo zili Ciloba.

⁴⁶ Ca kayubununa, lutaanzi, Makkalo aa Mbungano ali Ciloba, kajula makkalo a kwaabikka mu masena aeledé, kobilo ku makani aakale a Bbaibbele, a kwabikka mu busena, nzila mbwa kabede. Elyo tuli jana mu bukkalo bwa mbugano bwamamanino, mukuba Bukkalo bwa Mbungano ya Laodikeya, bwakali bubi maningi ku makkalo oonse aa mbungano. Akwalo kuzwa kumatalikilo nkonya, kuzwaku Baefeso, bwakali bukkalo bwa mbungano bupati.

⁴⁷ Elyo mpawo nzila, awa, Muuya Uusalala kau ndipa cilengaano, a kubona eco ciyo citika, Nda kadulowa aa bbulakibboodi, myaka yobilo yainda. Nceeci mbo cibede awa a dulowing'i, nzila Mumuni mbo waka zimaana aa nyika, eco cakeelede kuba nzila njionya Mumuni wakusika aa nyika, mbuli Makanimabotu, a nzila mbo Ciyo zimaana mukati a nze. Muku taciziba, ku ciindi, nco cakali kwaamba a nzila mbo cakali kuyooba.

⁴⁸ Pele inyika yabupaizi mpati yaka jisi ii—ii muswaangano a Rome; alimwi Rome, uli ngu nyina wa tubunga toonse. I poopu, kwa ciindi citaanzi mu makani aakale, wakasiya Vatican akuunka ku Jerusalemu a masena manji. Lino, Jerusalemu ncuuno cansiku ca bukombi bwesu boonse, ngu Jerusalemu. Elyo mu cuuno eci cansiku, poopu wakazwa ku Rome, uli ngu sinkondo mupati maningi wa Mbungano ziindi zyonse, wakazwa kuya okuya ku kuswaya Rome...na kuzwa ku Rome kuyaku Palestine, Jerusalemu.

⁴⁹ Elyo mbuli mbo tubona, mukuba utayiide, lwangu, muku taziba i—i mabala a nzila ya kwa kanana, Nda kayiisya lyoonse mu zimvule, mu zikozyanyo zya bulenge. Bulenge buya kutobela bulenge. Bulenge mbu bwa Leza.

⁵⁰ Eelyo wa bweza ciindi ng'ombe, zili mu muunda, zyonse zila bungana antomwe mu kkona lya muunda, kotola kalobyo kako ku maazi; inswi tazika lidi pe. To ka zijati; wabona, ng'ombe zila pumuna; citakuti wa citika kulokela mpoonya ansi lya cilao ca imwi. Pele cindi ng'ombe zyainka kuyo cela, langilila. I ciindi nciconya ng'ombe zyacita boobo, bayuni abalo bayo unka ku masamu; bayo leka kucela. Mwabona, bwalo mbulenge. Boonse bwabo bula sangana antoomwe. Nywebo mula bona nzuki, ku ciindi eco, ka zivuumaa aa buci bwazyo, kutali kubunganya. Bulenge boonse bula beleka antoomwe.

⁵¹ Elyo nkikaako, mbuli mbo tubona musamu kau losya matu, cakufwambaana loko lino, mu myeezi misyoonto iitobela, matu ayozwa ku musamu. Elyo i—i buumi, musinza, uyo selemukila mu miyanda. Elyo matu a musamu ayo loka a kuwida aansi alimwi ayo bola. Elyo kkaushiamu a—a potashi, alimwi uli mu matu a musamu, ayo bola mu bulongo. Elyo ncinzi cakacitika?

I buumi bwakainka ambele lya ndilyo, nkabela ayo bunyonka kujokela moonya muli ndilyo, a kujosya matu ayo alubo. Lwalo ndufu, kuzikkwa, a bubuke.

⁵² Elyo bulenge boonse! Elyo mweezi ngu i—walo mukaintu wa zuba. Walo mumuni muniini. Elyo mpawo, akwalo, kuti cindi zuba lya bbila, mu kutaba kwa zuba, mweezi utondezya mumuni ku nyika, cili ncimvule ca mbungano. Elyo cindi poopu azwa, sinkondo wansiku ku mbungano, a kuboola ku Jerusalemu, cili neuuono ca mbungano; cili, Jerusalemu mupya a Jerusalemu wakale; tula bona, kacitana cita, kwakali kusiya kumaninide kwa mweezi.

⁵³ Elyo mumitende, ku cisi coonse mbuli mbo twakali aa bboodi, caka tondezya nzila mweezi oyo mbowakasanduka kuzwa ku mumuni kuba mudima. Elyo ncikankamanisyo nciconya ca ncico, kuti mweezi oyo wakabonekela mbubonya, mu milengalenga, cintu nciconya Muuya Uusalala ncowa kandi bamba kudulowa awa myaka yobilo yainda, a kuzibya i... kuvumba i... Cindi ni cainka kuba zifoto zili cisambomwe, Nda kabikka caciloba awo, nkaambo bukkalo bwa mbungano ibwa ciloba, cimvule biyo ca Mumuni, kuunka kwa i... Mpe mpawo Jesu, ku mulyango, kakonkomona. Pele buunka mu mudima umaninide.

⁵⁴ Elyo ino nkutondezegwa, ino Mulumbe kuzwa kuli Leza Mwini, kuti zintu ezi nzya Bwini! Ka cilungulula lutaanzi mu Ijwi Lyakwe, mpawo kwiinda ku Muuya aa cibumbili, elyo mpawo ku citondezya mu majulu. Taakwe bulubizi kujatikizya ncico pe. Ezyo Zinamatizyo a Makkalo ali londokede munzila, londokede, Leza kapa bumboni kwiinda ku zitondezyo a zigambyo ziindakugambya, a Ijwi a makani akale, zyoonse kubikkwa antoomwe, mu bukkalo obo mbo tuponamo.

⁵⁵ Lino nciyumu ku mambungano ku bona ceeci. Nciyumu ku tubungwe ku cibona. Lyoonse basola kuyeeya kuti usola kubwekela bantu. To citi; usola ku cenjezya bantu. Takuli kusola kuba mubi kuli mbabo; yebo usola kuba gusya kuzwa ku bubi. Tabali bantu mu tubunga; calo ncianza mo babede, eco ciba nyonyoona. Kuli bantu, basyomeka basinizizye bali mba Katolika, Protestant, ba Juda, a bambi. Balo mbantunsi abo—abo...

⁵⁶ Basiite taba njili mu busiite kuti babe banakazi babi; bala njila omuya kuti bakabe banakazi babotu. Ba sola kuswena maningi kuli Leza, pele ncianza eco ciba sofwaazya. Bantu basangana mbungano, kutali kuba muntu mubi, pele kuba muntu uli kabotu. Pele ncianza ca mbungano eco cibagusya ku Ijwi a milazyo eyo Leza nja kabamba ku buzuba obuno; nkabela eco nce ciba gusya.

⁵⁷ Lino amuyeeye, Leza ndi Ijwi, alimwi abumwi bukkalo Wa kaabila Ijwi lya bukkalo abumwi obo bwakali kuyooba aa

nyika. Wa ka Lya abila mu bukkalo bwa mbungano, alimwi Zinamatizyo zili Ciloba zyaka yubununa cibeela coonse ca Ndilyo. Mwabona?

⁵⁸ Nkaamboonzi kwa kali...kwaali maseseke ayo aka cisisidwe? Ciyubunuzyo 10, tula jana, ku mamanino aa Mulumbe wa angelo waciloba, kuteeti, maseseke aya aka sisidwe ayo yubununwa, Ciyubunuzyo 10:1 kusikaku 7. Amubone, kaambo nka kuti kwakanyina basinsimi kuciindi ca bukkalo obu. I Bbaibbele lyakaamba, kuti, "Leza taciti cintu cita Wa ciyubununa ku basinsimi Bakwe, bazike Bakwe, basinsimi." Elyo Ijwi lya Mwami mu makkalo oonse lyaka boola lyoonse ku basinsimi, kutali ku ciyanza, kutali ku nkamu.

⁵⁹ Taakwe cindi Leza naka belesya nkamu. Ziindi zyoonse nkamu imwi ya bantu niyakaba kabunga, Leza waka kasiya nkabela taakwe naka piluka. Amulingule makani akale a kubona ikuti na kuli luleme na pe. Twa kacicita kale. Taakwe cindi Na kabeleka a ciyanza na nkamu, niba kamana kuba kabunga; kalwana Leza.

⁶⁰ Nkikaako, mu mwaakwe wa ciindi ca lubambululo, mpaawo kwakanjila basilubambululo, mbuli Zinamatizyo zili Ciloba mbo zyaka tondezya kuti zyakali boobo. Pele mu mazuba akumamanino lino, akeelede kuyubununwa alubo. Nkaambo, tu jana kuti mu Lugwalo, muli Malaki 4, kuti kweelede kuyooba bunanike buyoseluka a kuboozya alubo Lusyomo olo lutaanzi, "a kujosya lusyomo lwa bantu kuya ku pentekoste ntaanzi, Lusyomo lwa matata."

⁶¹ Elyo twa kabweza Eliya ku kabeleka kutaanzi; twa kabweza Elisha ku mutobezya; twa kabweza Johane Mubapatizi kumane oyo, walo wakali Elisha wa buzuba obo; a cisyomezyo ca umbi mu buzuba obu.

⁶² Lino, Johane Mubapatizi takali Elisha wa Malaki 4. Wa kali Elisha wa Malaki 3. Jesu wakaamba boobo. "Amubone, Nda mutumina mutumwa Wangu kumbele lya busyu Bwangu, kuyo bamba nzila." Tu mujana kuba oyo.

⁶³ Lino, mu kucita boobo, mu jana masena ayo, tu lizi kuti oonse Magwalo amwi, akananikwa aa Leza, ala yubununa kuli ndiswe kuti tuli mu buzuba bwamamanino.

⁶⁴ Lino, ikuti na Nda boola a mulumbe wa Pentekoste, inga Nda ba mu Bukkalo bwa Mbungano ya Laodikeya, nkabela inga tii kwalulama.

⁶⁵ Ako nke kaambo Wesley nca taka konzya kubweza mulumbe wa Luther. Luther wakali mu bukkalo bumwi, bukkalo bwa mbungao, alimwi Wesley wakali mu bukkalo bumbi bwa mbungano. Ikuti na Jesu naka boola mu i... a mulumbe wa Musa, niwa taka beleka. Ikuti na Musa naka boola a mulumbe wa Nowa, niwa taka beleka.

⁶⁶ Pele Leza wakaabila ku bantu Bakwe—Bakwe—Bakwe, ba bukkalo abumwi, Lugwalo. Elyo bukkalo kabu tana kuba, mu ciindi, mpawo mambungano aka cimvwa mu kunyongana maningi cakuti taba—taba zyi awo mpo babede.

⁶⁷ Ako nkekaambo ncoba kakilwa kuziba Jesu kuba Mwana wa Leza. Balo, tunsiyansiya twabo twa koofwazya meso abo, pele Wa kali mbubonya mbuli Lugwalo.

⁶⁸ I basinsimi bakali mbubonya. Jesu wakati, “Nguni wanu, wa mauso, wata kafusa bbwe ku basinsimi abo baka tumwa kuli ndinywe?” Mpawo Leza ula tuma musinsimi Wakwe, ku... alimwi musinsimi ndi Ijwi lipona lya Leza, lya yubululwa.

⁶⁹ Jesu wakati, “Mbobuti mbo mukonzya ku Ndipa mulandu, kwaamba kuti, ‘Ndili Mwana wa Leza,’ nkabela mulaita, mu milao yanu... Mwa kati, abo Ijwi lya Mwami nkolya kasikila,” aba bakali basinsimi, “mwa kabaita kuti ‘tuleza.’ Elyo mbo babede, nkambo Magwalo taa konzyi kususigwa,” Wa kati. “Mpawo mbobuti mbomuti Ndipe mulandu?” Cindi Na li... Ba kali cibeela ca mulao, ba kali cibeela ca Ijwi lya Leza, pele Jesu wakali buzule bwa Ijwi lya Leza. Makanze akwe oonse a lununuko, kukkwanina konse kwa Leza, kwakali muli Nguwe.

⁷⁰ Elyo lino, kwiinda mu makkalo aa mbungano, ba kacita mbubonya. Elyo Zinamatizyo zili Ciloba nzya kuyubununa maseseke oonse ayo akasiigwa mu mwaakwe wa ciindi eco, nkaambo tetwa kajisi basinsimi, alimwi Ijwi tali booli kuli basilubambululo. Basinsimi!

⁷¹ Leza takwe busandule. Muli Malaki 3, wakati, “Ndime Leza, nkabela Nse sanduki.” Nzila ya Leza yakucita cintu cili coonse, eyo ni nzila ya Leza lyoonse yakucita cintu cili coonse. Leza wakasala kuti Uyo futula muntu kwiinda kukutilwa kwa Bulowa bwa Umwi uutakwe kampenda, mu muunda wa Edeni, elyo Taakwe naka kucinca kuzwa eelyo, alimwi takonzyi ku kucinca. Twa soleka, kwiinda ku lwiyyo, kwiinda ku mayake, kwiinda ku ziyanza, kwiinda ku tubungwe, kwiinda ku milao yakulilemeka, a zintuzyonse zimwi zimbi, nkabela zyoonse zyaka kakilwa. Pele kuli busena bomwe luzutu obo Leza mbwa swaanina muntu, obo, nkuunsi lya Bulowa bwakatilwa bwa Utakwe kampenda. Biyo kwiinda ku Bulowa! Oko kwakali kusala Kwakwe kutaanzi. Mwabona?

⁷² Inga twa bamba kusala, elyo mwaka utobelaa inga twa yeeya kabetu loko. Tuli jisi mu muzeezo mubotu wa ncico, mwaka utobelaa. Leza takonzyi; Walo mupatikampatila. Kusala Kwakwe kutaanzi kuli londokede; taakwe cinga ca nyona. Nda konzya kwiya maningi; tula gola. Nda konzya kwiya maningi; ula konzya kwiya maningi. Pele Leza takonzyi kwiya maningi; Uli londokede, kuzwa kumatalikilo. Elyo, nkikaako, kusala Kwakwe kutaanzi, yaamika buntu bwako aali nkuko. Eco Bbaibbele nco lyaamba, nce nciico!

⁷³ Leza uleelede kuyo beteka inyika buzubabumwi. Elyo Katolika yaamba kuti Uyo ibetesya ku mbungano ya Katolika. Ikuti na cili booboo, njili mbungano ya Katolika? Ali indene, imwi kuzwa kuli imbi. Ikuti na waunka kuyo betesya a Protestant, njiili mbungano ya Protestant? Ali indene, imwi kuzwa kuli imbi. Elyo inga caba cinyonganya anii; kwiiina unga waziba awo akwiimina. Ikuti na Methodisti ili luleme, Baptisti ili sweekede. Ikuti na ya Protestant ili luleme, Katolika ili sweekede; na Katolika ili luleme, ya Protestant ili sweekede.

⁷⁴ Pele Bbaibbele lyakati Uyo beteka inyika kubelesya Jesu Kristo, alimwi Walo ndi Ijwi. Mpawo, Uyo ibetesya ku Ijwi.

⁷⁵ Elyo toonse tubungwe twa kaleya ku Ijwi eelyo, ku kulibambilia buzumini bwabo bwabukombi. Nda buzya buyo uli oonse kundi tondezya awo mpo baka bweza Ijwi lizwide. Ta bakonzi kucicita, nkaambo ceendelezegwa a ciyanza ca muntu. Awo mpo mujana muntu . . .

⁷⁶ Leza taakwe nakabeleka pele a muntu omwe aciindi. Taakwe akwalo naka jisi basinsimi bobilo aciindi comwe. Omwe! Leza inga wabweza muntu omwe mu janza Lyakwe. Ta beleki a nduwe . . . kabunga kanu; Walo ubeleka a nduwe.

⁷⁷ Lino, aa mbaakani eyo, tu boola ku pobwe lya myeembo, maseseke asisidwe. Ca ka cisinsimwa kuti ca keelede kuyooba munzila eyo, nkikaako cakeelela kuyubununwa munzila eyo yaka citwa. Pele kuyubununwa mu buzuba obu bwamamanino, ku kuzulizya mbubonya eco Nce ezwa kwaamba, Malaki cipati 4, Luka cipati ca 17 a i—i kampango ka 30, nzila Mbwayo cicita, a Bahebrayo 13:8, Bahebrayo 4:12, a Magwalo ayo manji ayo atwaambila obo. Lino, ikuti na eco nceenzu kuli bamwi banu, a Nda ambe kuti Leza lyoonse . . . I nzila Leza njazibwa akati ka bantu kwiinda kukuba businsimi.

⁷⁸ Iba Juda lyoonse bakaziba kusyoma basinsimi babo. Wa kati, “Ikuti na kuli umwi akati kanu, Mebo nde Mwami njo kanana kuli nguwe mu ziloto zya kumuuya a mu zilengaano. Elyo, eco ncaamba cacitika, nkokuti amu muswiilile.” Ba kali lyoonse . . .

⁷⁹ Eyo nje nzila mbo baka kakilwa kuziba Jesu, alimwi baka Mu bikka muciga ca cintucimwi cimbi, aboobo baka Mu bamba kuba muuya mubi, “Beezebule,” nkaambo Wa kali kukonzya kutweluka miyeeyo eyo yakali mu myoyo yabo. Lyoonse tu lizi kuti eco nci tondezyo ca Ijwi.

⁸⁰ Bahebrayo cipati ca 4, kampango ka 12, kati, “I Ijwi lya Leza lila bosya kwiinda cceba lya mabemba obilo, a sikutwela wa miyeeyo a makanze aa moyo.”

⁸¹ “Cindi Walo Muuya Uusalala wakuboola ali ndinywe, Uyo mwiiabalusya zintu ezi Nze kaamba, alimwi uyo mutondezya zintu ziciza.”

⁸² “Leza mu ziindi zyakale, mu ziyanza zyandeene,” Bahebrayo 1, “waakanana ku matata kwiinda mu basinsimi, mu mazuba aya akumamanino kwiinda mu Mwana Wakwe, Jesu Kristo.” I Leza nguwenya, waka cinca buyo kuzwa ku basinsimi kuya ku Mwana. Kwa mana. Mwabona? Lyoonse Mulumbe nguonya, nzila njionya ya kucicita.

⁸³ Lino, caka sinsimwa kuti mambungano ayooba mu ciimo eci, ayo elela kuboozegwa alubo. Elyo Wa kati, muli Malaki 4, kuti inga Uyo “tuma Eliya musinsimi, alimwi uyo boozya i—i bantu alubo,” a i...ku cileta. Amubone. Elyo kakutanaba buyo...Na, kwaakumana biyo Mulumbe wakwe, kuyooba ciindi inyika noiyo umpwa, alimwi balulami bayo enda atala atwe.

⁸⁴ Lino, kuli umwi silwiyo lwabukombi inga kano swiilila ku teepu, kubusena bumwi kuzunguluka inyika, ikuti na uyeeya kuti oyo wakali Johane, yeeya, mpawo, Magwalo ali lubide, nkambo inyika tii ya kaumpwa nikwakamana mulumbe wa Johane. Jesu taka boola a kubweza bantu kuya mu Mileniamu; pele Wa kasyomezya kucicita kwakumana Muuya wa Eliya kuboola aa nyika alubo.

⁸⁵ Amubone lino muli Malaki 4, tula bona awa kuti eci ceelede kucitwa ku kuboozya (inzi?) lusyomo lwa bantu kujokela ku matata mataanzi, Njiisyo ya pentekoste, matata mataanzi. Elyo uyo boozya bantu kuya ku matata.

⁸⁶ Tu jana kuti muli Luka 17, Jesu wakati cindi Aku boola mu mazuba aya akumamanino, Luka 17:33, tu jana kuti Jesu wakati, “Mbuli mbo kwakabede mu mazuba aa Lota, mbubonya mbo kuyooba ku kuboola kwa Mwana wa muntu, cindi Mwana wa muntu ano yubununwa.”

⁸⁷ Lino amubone, Wa kaboola mu zina lya bana botatwe. Wa kaboola mu zina lya Mwana wa Davida...Na, Mwana wa muntu, Mwana wa Leza, Mwana wa Davida.

⁸⁸ Lino, Wa kacita kuboola mbuli Mwana wa muntu, nkaambo Wa kali Musinsimi. Jehova, Mwini, wakaita basinsimi, “mwana wa muntu.” Alimwi Jesu takwe nakalyaamba Mwini mbuli Mwana wa Leza pe. Wa kalyaamba Mwimi, lyoonse, mbuli Mwana wa muntu. Elyo amubone, Wa kaliyubununa Mwini mpawo mbuli Musinsimi, Mulunguluzi. Kati, “Ikuti na Nse citi milimo ya Taata Wangu, nkokuti muta cisyomi.” Wa kakkwanya bupanduluzi boonse obo bwa kaambwa Nguwe mu Malembe, akwalo ku lufu, kuzikkwa, a bubuke Bwakwe; kubambilwa Kwakwe, kuzyalwa Kwakwe, zyoonse. Elyo mu mulimo Wakwe, Wa kakkwanya bupanduluzi bwa Mulunguluzi, Mwana wa muntu.

⁸⁹ Lino Wa kayubununwa mu makkalo aambungano, lino amulange, kwiinda mu makkalo aambungano, mbuli Mwana wa Leza. Leza mukuba Muuya, Muuya Uusalala, Wa kali yubununa

Mwini mu makkalo aambungano mbuli, mu mbunga, mbuli Muuya Uusalala aakati ka bantu.

⁹⁰ Tula jana, mu Bukkalo bwa Mbungano ya Laodikeya, bukkalo bwa mbungano bwamamanino, Wa kata ndilwa nze lya mbungano. Kwiina ambi Mpa kasola kutandwa, mu bukkalo bumwi, pele mu Bukkalo bwa Laodikeya. "Nkaambo, ba kati, 'Tuli vubide nkabela taakwe nco tubulide.' Elyo to cizyi kuti uli sampukide, mucete, sicinswe, a moofu, nkabela to cizi." Wa kata ndilwa anze lya bukkalo bwa mbungano.

⁹¹ Elyo mpawo, kweendelana kuli Luka 17, Wa kati, "Mbuli mbo kwakabede mu mazuba aa Sodoma, mbubonya mbo kuyooba mu kuboola kwa Mwana wa muntu." Lino, Wa kali kubala Matalikilo ngaonya ayo nge tubala. Amubone, ku Sodoma, eco caka citika. Cakali cinzi mu Sodoma? Abrahamu...

⁹² Lyoonse kuli misela yotatwe ya bantu. Kwa kali Abrahamu, wakasalwa a kwiitwa kuzwa, aanze lya Sodoma ini. Kwakali Lota, membala wa mbungano, na Muntu sikabungwe, kumusanza; wa kaba cibeeela ca inyika, kwiinda mukuba meya wa dolopo, kali kkede ku mulyango; wa kali mubetesi, uli ngu meya. Elyo kwa kali Sodoma, lwayo.

⁹³ Lino, ku ciindi caku mangolezya, na akalangabweeseme ka buzuba, cindi Abrahamu nakali kunsi lya mubanga wakwe, Baangelo botatwe baka bonekela kuli nguwe. Bobilo babo baka selemukila mu Sodoma, a kuyo kambauka Makanimabotu a kusoleka kubaita kuzwa. Tii baka cicita; ba kali pilingene. Lota, a mukaintu wakwe, luzutu, a bana bakwe basimbi, bakatalika kuzwa. Elyo mukaintu wakasanduka kuba ndomba lya munyo.

⁹⁴ Pele Umwi waka kkala a kwambaula kuli Abrahamu, oyo Abrahamu ngwakaita kuti, "Elohimu, Singuzuzyonse." Matalikilo 1, "Leza! Ku matalikilo, Leza," Elohimu, i—i Umwi ulijisilidi kuli zyoonse, Umwi sikulibeda mwini. Abrahamu waka Mwiita kuti, "Elohimu." Elyo Wa kakkala acuuno a kulya antomwe a Abrahamu; Wa kanywa; Wa kali mu mibili wabantu. Elyo amulange citondezyo eco Nca kapa Abrahamu.

⁹⁵ Lino, ba kali kulangila kuboola kwa mwana, mwana wakasyomezegwa, Izaka. Myaka ili makumi obilo ayosanwe, mu lweendo lulamfu, baka mulangila, pele ba kali ku magolelo aa lweendo. Leza waka libonya mu ziwa zinji, mbuli Mbwa kacita kwiinda mu makkalo aa mbungano, mu Mimuni, a mumwi mumbi, mbuli Mbwa kakanana kuli Abrahamu, alimwi kwiinda ku majwi. Pele kakutana biyo kuboola kwa mwana... Lino twa kainda muli ncico, alimwi nywebo mulizi Ndi loolola buyo, kuleta ceeci kuli ndinywe. Kuti, Wa kacinca mibili wa Abrahamu a Sara, mpoonya biyo nikwakainda ceeci, kutegwa kaba konzya kutambula mwana.

⁹⁶ Amubone, citondezyo camamanino eco ncoba katambula, mwana katana kusika, wakali Jehova kaambaula kuli mbabo mu ciwa ca muntu. Elyo nje nzila mbo bakaziba kuti oyu wakali Jehova, nkaambo Wa kati, “Abrahamu,” kutali Abramu. Mazuba buyo masyoonto kakutana kuba, Leza waka cinca zina lyakwe. “Uli kuli mukaintu wako, Sara?” Kutali S-a-r-r-a; pele *S-a-r-r-a-h*, “sibwami mwankazi.”

Elyo Abrahamu wakati, “Uli mu tente, kunze Lyako.”

⁹⁷ Elyo Wa kati, “Mebo,” eelyo ndibbala lyaamba mugame, “Njo muswaya kweendelana ku cisyomezyo Cangu. Ku ciindi ca buumi, mazuba atobela ali makumi obilo ali lusele, cintucimwi ciyo citika kuli Sara.”

⁹⁸ Elyo Sara, mu tente, waka lisekela mwini, a kuti mu moyo wakwe, “Mbobuti mbo cikonzya kuba eci, mukubona kuti Ndili mucembele; nkabela kuba amusaalo a mwami wangu, uli awalo mudaala, Abrahamu?”

⁹⁹ Elyo Angelo, na, Muntu wakati, “Nkaambonzi Sara waamba ceeco mu moyo wakwe?” Mu tente kunze Lyakwe! “Nkaambonzi waamba kuti ezi zintu tazi konzyi kuba?” Mwabona? Ii Muntu mu mibili wabuntu, mbuli musinsimi, kakuli Wa kali Elohimu katweluka tuyeyeo oyo wakali mu moyo wa Sara, kunze Lyakwe.

¹⁰⁰ Elyo Jesu wakati, “Mbuli mbo kwakabede mu mazuba akwa Lota, mbubonya mbo kuyooba ku kuboola kwa mamanino aa inyika, cindi Mwana wa muntu,” kutali Mwana wa Leza, “cindi Mwana wa muntu ano yubununa.”

¹⁰¹ Tee cakaliko kwiinda mu bukkalo. Mwabona buzumanane obo bulondokede bwa Lugwalo? Mpaawa tupona muli mbubo. I maseseke: zya lubbizyo mu Zina lya Mwami Jesu, alimwi kutantamuka kuzwa ku muzeezo wa Bumwi; a zintu ezi zimbi, nzila Muuya Uusalala mbowa keenzya ceeco mukati a kucitondezya cakulondoka; a Lubbizyo Iwini lwa Muuya Uusalala, Citondezyo, a zintuzyonse, a ku cibikka; a nzila Mbwa kabikka silubambululo aumwi a zintuzyonse, mbubonya buyo. Elyo, mwabona, nkoonya kumbele lya meso esu eni, alimwi tacili mu kkona pe. Cili zizilwe inyika yoonse. Jesu, Mwana wa Leza, kali yubununa Mwini kwiinda mu Magwalo, kubamba Lugwalo olo (lwa kakanzwa ku buzuba *obuno*, mbuli mbo kwakabede ku buzuba *obo*, a mazuba oonse *ambi*) pona. Elyo ku Ci syoma, ncitondezyo ca Muuya Uusalala.

¹⁰² Bululami, to konzyi kwaamba buyo eco kuti “kwiinka ku cikombelo” ncitondezyo ca Muuya Uusalala. Ikuti na ula cita, nkokuti balo Bafarisi bakali Ujisi. Mwabona? To konzyi kwaamba kuti “kuzungaana na kusotoka” mukuba i... Ikuti na ulacita, bahedeni bali Ujisi. Ikuti na waamba kuti “kwaambaula mu myaambo,” mbobuli—mbobuli bukombi bwa dyabulosi buta kanani mu myaambi? Nda ambile bomwe.

Mukwesu Jackson ukkede awa waku Africa, kuzwa ku Africa, inga wa kwaambila eco. Nda kaliko mu zilabba zyabama India okuno, kubona balozi a basondi kaba litendaula, a kutila bulowa bwabo beni, a kukanana mu myaamb; a—a mung’anga kai pandulula, a kubabona kaba bikka penso a kulemba mu myaambo itazizilwe. Aboobo tauli Nguwo. Pele ikuti na ci . . .

¹⁰³ Ino ncitondezyo nzi cini? Jesu wakati, “Kuteeti musyome kuti Nde Ndime.” Elyo Walo ndi Ijwi.

¹⁰⁴ Nkambonzi ncoba taka Utambula? Nkaambonzi ba Juda ncoba taka Utambula? Ba kali bantu balulami; bakali bantu bakali kabotu; bakali bantu basalala, alimwi kwakali misyobo yoonse ya bantu; pele, pele kuli oyo wakakanza kumvwa Ijwi!

¹⁰⁵ “Elyo mbobuti mbo ziba naa ndi Ijwi? Aumwi waamba ceeci.”

¹⁰⁶ Calo ncisyomezyo ca Bbaibbele muku simpikizigwa kwa bukkalo obo, nceeco we, mpawo mula jokela oko Muuya Uusalala nkoubede. Amulange kulila kwa Mweembo mu maminiti masyoonto, eco Nco ulungulula. I Mweembo, Mweembo wa Makanimabotu, ubone oyo ukonzya Kuu mvwa. Amuyeeye, abo bali mu miinzi ya malambo tiiba kali kukonzya kuzwa kunjila mu jubbili. Peepe, munene. Ba kali mu malambo; baka kkala okuya. Kwa kamana; ba kali bazike mu buumi bwabo boonse, alimwi baka gwalwa. Lino mbuli mbo tu bona zikozyanyo ezi zyoonse, amubone.

¹⁰⁷ Lino, eyi micito, Malaki 4, a zyoonse ezi, a Bahebrayo 13:8, “Jesu Kristo mbobuca nguwenya, sunu, amuya myaaka,” Walo ucili Ijwi kwalyonse, Ijwi lya kayubululwa. Nee ncico ncobeni Nca kalungulula basinsimi. Ii *musinsimi* ta lyaambi biyo “mulunguluzi na sikusinsima;” lyaamba “sikuyubununa Ijwi eelyo lilembedwe.” Mu buumi bwakwe mwini, milimo yakwe ini, ila yubununa a kusimpikizya Ijwi lya buzuba obo; mbuli Nowa kayaka bwaato; Musa kumusanza okuya; azimwi zimbi; a cis yomezyo cili coonse, Ijwi lyaka syomezegwa ku oora eelyo.

¹⁰⁸ Lino tu lizi kuti Uli a ndiswe. tula syoma obo. Mula bona Ijwi Lyakwe kali yubululwa, kwiinda ku mafotogirafu, kwiinda ku Magwalo, kwiinda ku kulungululwa mu Julu, aa nyika, zintuzyonse zimbi ezyo Nzya kaamba. Kunyina ciindi comwe nicaka kakilwa. Nda buzya mutntu uli oonse kundi tondezya, kuzwa ku zibeela zyandeene zya cisi, na ku inyika yoonse, uli—uli sinikizidwe ku ndilembela a ku ndaambila, awo ciindi comwe nicaka sola kukakilwa. Cililondokede, ijwi ku ijwi, lino, eco ncisyomezyo.

¹⁰⁹ Nkaambonzi Nca keelede kubonekela mu buzuba obu bwamamanino? Ikuti na mwajokela, a nywebo noba sikuswiilila mateepu, ku *Samu Lyu Nabwiinga*, a kuleta oko Krito nkwa kabede, eelyo Samu lyakali mu muunda wa Edeni. I Adamu mutaanzi oyo wakawa; alimwi Adamu oyu Wabili waka gonkwa

kwiinda ku cibi. Baka Mwa anzika a samu lya ba Roma, alimwi kuzwa kooko kwaazwa i...kwakazwa Samu lya Nabwiinga eelyo Ndyia kasyomezya, eelyo ndo tubona mu Magwalo, lino, kutegwa kujanwe Nabwiinga.

¹¹⁰ Mbuli piramidi, obo mbo liboola mu busyoonto ciindi coonse, kuzwa ku kukwazama kupati; kuzwa kuli Luther, Wesley, Pentekoste, elyo mpawo bbwelyansonje atala andilyo lya kasekkwa kabotu, alimwi lya mabwe ayo libibikkidwe kabotu maningi antoomwe. Elyo ta tuna ziba mbo baka cicita, pele ali bikkidwe kabotu maningi antoomwe mu piramidi eyo! Elyo ta tuyiisyi piramidi lino, tu buyo...

¹¹¹ Enoki a bamwi baka iyaka, myaka yakainda, alimwi iliimvwi ku ciiminizyo. M bubonya mbuli zuba mbolizwa a kubbila; mbubonya mbuli samu mbo liosya matu aloy—aloy, a kujokela alubo; mbuli inswi, a ng'ombe, a zintuzyonse zimbi mbo ciiminina. Eyi piramidi iliimvwi mbuli ciiminizyo.

¹¹² Amu kaunke ku kaziye ka musinsimi a kulangilila matantilo ali ciloba. Nko kuli i—nko kuli mulindizi nkwa kaswaana kuzundikizigwa mu kuleta sikuboola mu busyu bwa mwaami? Atala lya matantilo; mwakali mu tantilo lyaciloba. Mpaawo kutondezya kuti tweede kujoka alubo a Muuya nguwenya wakali ali Johane; wa kazibya Mesiya. Wa kali mupati kwiinda basinsimi boonse; wa ka Ci zibya. Elyo tweede kuboola ku busena, alubo, ku cintucimwi eco ciyo zibya Mesiya.

¹¹³ Elyo mbobuti Mesiya . . . i bantu abo ba Mu syoma ku ciziba citakuti bali mu Ijwi cakuzumanana, ku kuziba obo Mbwa bede! Daniele wakati, “I basongo bayo ziba; pele bafubafuba, batacenjede, taba kazibi. Bayo ziba Leza wabo.” Lino, lino, mbobuti Mbwayo libonya mu mazuba akumamanino, nku leta bantu kujokela ku Ijwi, kutegwa Nabwiinga akazibe Mulumi Wakwe, ku Muyandwa Wakwe, Ijwi lyaka yubununwa. Nke kaambo eci nce ceelede kucitika.

¹¹⁴ Tii cakali muli basilubambululo; tee cakali muli Luther, Wesley, a—a ba Pentekoste, a bamwi. Lugwalo lwaamba kuti tii cakali obo.

¹¹⁵ Pele ciyo boola. Eco ncisyomezyo Cakwe ku bukkalo obu. Tu pona mu bukkalo bwakuti Kuboola Kwakwe mokuyooba. We elede kuli zibya muli Nguwe. Kufumbwa mwanakazi weelede kulizibya a mulumi wakwe, nkambo bobilo bali bomwe. Elyo Nabwiinga wa Kristo weelede kulizibya a Nguwe, nkambo bobilo bali Bomwe; alimwi Walo ndi Ijwi, kutali kabungwe. I Ijwi! Tuli bana ba Mumuni, alimwi Mumuni ndi Ijwi eelyo lyabambwa kuba Mumuni wa bukkalo obu. Mbobuti mbo tuziba Mumuni citakuti Wa zwa ku Ijwi? Yaa. I Ijwi lyaba mu mubili Mumuni wa bukkalo; cindi mwa Ubona, nkabel a Bbaibbele lya kaamba boobo.

¹¹⁶ Balo bantu kaba langa Jesu okuya, a kwaamba, “Ee, oyu Muntu, Ino Nguni? Baa, Wa kazyalwa, kuzyalwa kwa musokwe kunselelo okuya. Baa, Bawisi a banyina bali *obu*, *obo*, a *bumbi*, a zyoonse ezi awo.” Pele taba Mu zyi pe. Ikuti niba kalizi Magwalo, nibaka Mu ziba. Wa kaamba booboo.

Ba kati, “Tuli basikwiya ba Musa!”

¹¹⁷ Kati, “Ikuti nimwa kali muzi Musa, ni mwaka Ndi ziba, nkambo Musa wakalembo Ndime.” Elyo nekubaboobo bakacili ofweede maningi ku Ci bona!

¹¹⁸ Mwabona nzila mbo cibombede? Kutantamuka kuzwa kuli basimaanu boonse, a tubungwe, a buzumini bwabukombi, a zintuzyonse. Leza waka njila moonya mu mubili, mu ciwa ca Muntu, Sikamukowa Munununi.

¹¹⁹ We elede kulizibya a Nguwe. Tula tambwa ku kuba bana ba Mumuni, kuti tweendele mu Mumuni.

¹²⁰ Nda yeeya kumusanza mu Kentucky, okuno calino, Nda kajisi muswaangano. Kubusena, Ne kamana kuzwa mu mbungano, cakuti kwakali mudaala wakaimvwi, kajisi lambe mu janza lyakwe. Wa kali kuzulilwa ku mbungano eyo yata kali kusyoma mu kuponesegwa, a zimwi zimbi. Kati, “Nda—Nda impana a nduwe, Mukwesu Branham.”

Nda kati, “Ee, uli jisi nguzu zya kucita booboo.”

¹²¹ Wa kati, “Yebo wabona, Nse katambuli cintu cili conse citakuti Nda cibona. Nde elede ku cibona, eni antangalala.”

¹²² Nda kati, “Mpawo sa wakasola kubona Leza, eni antangalala, kaimvwi kumbele lyako?” Mubwini, ta kali kusyoma mu zilengaano a zintu.

Wa kati, “Peepo.”

¹²³ “Baa,” Nda kati, “nkokuti toli musyomi, munene. Inga nse konzya kwaambaula kuli nduwe. Wabona? Wabona? Tula bona eco Leza nca kasyomezya a kujatilila kuli Ceeco.”

¹²⁴ Wa kati, “Mbobuti mbo mvwisya ceeco?” Nda kati... Wa kati, “Boolia, atuunke ku muunzi a kwaambaula sunumasiku.”

Nda kati, “Nse konzyi; kuyanda eco. Ukkala kuli?”

Wa kati, “Koya kuli eci cilundu awa.”

¹²⁵ Nda kati, “Mbobuti mboya kusika okuya? Yebo toi bwene ng’anda yako.” Uh huh. Uh huh. Inzya. Inzya.

Wa kati, “Ee, kuli kazila kainda atala a kalundu.”

Nda kati, “Yebo toka bwene kazila.” Uh huh.

Wa kati, “Ee, Ndi jisi lambe.”

¹²⁶ Nda kati, “I lambe tali kokutondezya mumuni eeni aa ng’anda. Oh, peepe. Pele ako kazila kayo kusololela ku ng’anda. Pele eelyo lambe liyo kutondezya biyo ku ntaamo yomwe aciindi.”

¹²⁷ Tuyo enda mu Mumuni, Mumuni mubotu; ntaamo yomweaciindi, Mwami, kuswena maningi kuli Nguwe. Inzya. Bana ba Mumuni, amu tambule Ijwi Lyakwe, amu zumanane kweenda a kulangilila kuvungululwa kunji. Muta Li siyi, takukwe makani eco muntuumwi umbi ncaamba. Amukkale ncobeni muli Ceeco a kuzumanana kweenda a Ncico, ku Ci langilila kuvunguluka akuli yubununa Cini. I Ijwi ni Mbuto; mbuto mu musyobo mubotu wa bulongo iyo zyala musyobo wayo.

¹²⁸ Amubone Ciyubunuzyo 10:1 kusikaku 7, maseseke oonse aeledge kuyubununwa kuli Nabwiinga, kwiinda ku mutumwa iwa Mbungano ya Laodikeya. Sa kuli umwi ujisi Bbaibbele ly Bupanduluzi Bwakalulamikwa? Ikuti na uli jisi, uyo bona awo mpo lyakati, “i angelo,” ili mu mabbulaketi mpo lyaamba kuti, “i sikwaze.” Mwabona? Uh huh. Uh huh. Mwabona? I mutumwa ku i—i Mbungano ya Laodikeya, mwabona, Ciyubunuzyo 10:1 kusikaku 7.

¹²⁹ Elyo wa kati eci . . . mu buzuba obo wa ka Mu bona kaseluka, nkabela wa kalya ka bbuku kaniini. Elyo kwa kali . . . “Wa kabikka cituta comwe aa nyika, a cimbi aa lwizi, a kukonkezya kuli Nguwe oyo uupona, a lyoonse a lyoonse, kuti, ‘Ciindi ta cikabi limbi.’” Elyo cindi Na kacita, Mizuzumo ili Ciloba niya kandindima majwi ayo. Elyo cindi Mizunzumo ili Ciloba niya kandindima majwi ayo, Johane wakati wa kali kuyanda kulemba. Elyo Wa kati, “Uta Ci lembi.” Uh huh. Mwabona? Elyo waka Ci namatika.

¹³⁰ Lino, muntu umwi wakati, “Ee, ezyo Zinamatizyo zili Ciloba, kai, Mukwesu Branham, ziyo yubununwa mu mazuba akumamanino, maseseke amwi mapati ambo kuswenwa maningi kuli Leza na?” Peepe, munene, ta cikonyi kuba.

¹³¹ “Kufumbwa uyo gusya Ijwi lyomwe kuzwa mu Bbaibbele eeli, na kuyungizya ijwi lyomwe kuli Ndilyo, cibeela cakwe ciyo gusigwa, Bbuku lya Buumi.” Ino ncinzi, calo nciyubunuzyo ali ceeco caka sweepka kaindi okuya, ku leta. Ci lembedwe kale Awa. Cili mukati Awa. Nca kuyubununa eco caka lembwa kale. Mwabona? Nkaambo, to konzyi kuyungizya cintu comwe kuli Ndilyo, na kugusya Ijwi lyomwe kuli Ndilyo.

¹³² I cipati citaanzi ca Ciy—. . . ca—ca i Bbaibbele, mu kutilika, Matalikilo. Umwi mwanakazi taka Lyu nduluzya, pele waa kaimpya buyo kupandulula, aku lekela Saatani kwiimpya kupandulula kuli nguwe, ijwi lyomwe, “ncobeni.” Mwabona? Elyo mpawo, kuzwa kuli ceeco, waka citya mapenzi aya oonse. Elyo wakali Leza oyo wakali kukanana, Ijwi lya Leza.

¹³³ Elyo mu cipati camamanino ica Ciyubunuzyo, Jesu Mwini, nguwenya Leza, wakati, “Kufumbwa uyo gusya Ijwi lyomwe, na kuyungizya ijwi lyomwe kuli Ndilyo.”

¹³⁴ Eci nciyubunuzyo cimaninide ca Jesu Kristo. [Mukwesu Branham waumauma Bbaibbele lyakwe—Mul.] Elyo

Zinamatizyo zili Ciloba zya kajisi maseseke akasisidwe, obo coonse Mbo cakabede; alimwi kweelede ku Ci jula mu buzuba bwamamanino, ku bukkalo bwa Laodikeya, ku mamanino aa ciindi. Kulumbwe kuli Leza! Eco cimanizya Mulumbe ku Mbungano. Eco Cila cimanizya. Cindi niba kacebuka a kubona eco cakaliko, a kubona coonse mpo caka letwa, eci Cila cimanizya, bukkalo bwa Mbungano.

¹³⁵ Lino amubone myeembo eyo njo twaambaula, nkwiitwa antoomwe naa ku pobwe, ku nkondo, ku muntu, buzuba bumwi busetekene, na cintucimwi mbuli ceeco. Amubone. Nywebo mwati, "Ku muntu?" Inzya. Na, ku mwaka wa jubbili, kwaambilizya kwa kuboola kwa lwaanguluko, cindi neba kali kukonzya kujokela; lino, inga twa bweza cifumo cizwide a cintu buyo comwe. Pele, lino, kunjila mu myeembo. Muli jisi ntalisyo lino, ya Zinamatizyo a Mbungano, lino tu njila mu mweembo. I mweembo waka lila, alimwi mweembo utondezya nkondo, na buzuba bwa pobwe. Na, cintu nco waamba, nku, "kubungana antoomwe kwa bantu," i *mweembo*.

¹³⁶ Paulo wakati, "Cindi mweembo wapa kulila kuta mvwisigwi, mbaani bakonzya kulibambila ku nkondo, na ku luumuno, na kufumbwa mbo cibede?" Nguni uuzi? We elede kuziba kulila kwa mweembo mbo kubede.

¹³⁷ Nkikaako, cindi mweembo walila, tu bona cintucimwi mu nyika sunu. Kuli penzi pati kubusena bumwi. Bantubonse bali lizi. Bantubonse baba basikulibilika loko. I inyika mbiizulwa yaba inyika ilibilika loko, alimwi tu lizi kuti kuli cintucimwi cilubide. I Pentagon, koonse, tu lizi kuti kuli cintucimwi cilubide.

¹³⁸ Lino, nzila biyo mboya kuziba kulila kwa mweembo mbo kubede, nkulanga eco Pepa lya Ciimbo nco lyaamba. Kwa mana. Ndwiimbo lupati lunyonanyona, mwabona, a kulizya.

¹³⁹ Mbuli, *Petro a Wumpe*, mwabona, cindi yebo... ikuti na i... Elyo i—i sikwaanza nyimbo walemba bbuku, a mweendelezi weelede kuba mu muuya nguonya wa sikwaanza nyimbo. Ikuti na ta citi, ulapa kulizya kulubide, elyo mpawo cintu coonse cila nyongana.

¹⁴⁰ Eelyo nde penzi sunu. Tu jisi beendelezi banji maningi mu i... batali mu Muuya wa Sikwaanza nyimbo. Ba lati, "I kabungwe, ee, tu syoma *ceeci*."

¹⁴¹ Takukwe makani eco nco wamba, Bbaibbele lili luleme. Ko cilizya kweendelana ku Pepa lya Ciimbo kabotu awa kumbele lya ncico, mpawo Lwiimbo lupati lunyonanyona ilwa mulimo mupati wa Leza lulalila kabotu buyo, mpawo tula konzya kubona oora aabusena mpo twiimvwi.

¹⁴² Lino amubone, mweembo ngwa kwiita bantu, kulibunga beni antoomwe ku cintucimwi. Ciindicimwi waambilizya muntu mulemu.

¹⁴³ Mbuli muli Josefa, ba kalizya mweembo, nkabela Josefa wakali kulibonya; uuli ii—ii nciiminizyo ca “Mweembo Mupati” oyo ngo tu kanana, a kusika kwainda kaindi, muli Isaya. Eyo iti, “Cindi Mweembo Mupati walila, cindi eyo ndembela yaakusumpulwa, atala awo; alimwi mpawo kuyo boola ciindi Mweembo Mupati nouyo lizigwa, alimwi masi oonse ayo bungana mu Jerusalemu.” Eco nce cindi Mileniamu noiyo talika; Mweembo Mupati.

¹⁴⁴ Lino, oku kwiita, kwa pobwe lya myeembo, kuswena kwa cintucimwi. Amubone Ciyubunuzyo 8:7, ikuti na uyanda kulemba. Tula ubona Mweembo Mutaanzi, mpawo kwa kamwaika civilamabwe, bulowa, mulilo, aa inyika; mbubonya buyo ku Kulonga, cindi Leza nakali kwiita bantu Bakwe kuzwa, kwa kulonga.

¹⁴⁵ Lino, kaambo eyi Mweembo ili Ciloba ncoi tabikkwi ku Mbungano eyi a bukkalo obu, nkaambo nja kuli Israyeli luzutu. Kwalo nkwiitwa, kwa kubungana kwa bantu. Elyo lino kuli ciyandisi comwe biyo omu Nce yanda kuti mumvwisye, mu maminiti masyoonto, mpawo mpo muyo bona kaambo eyi ncoi tabikkwi ku bukkalo obu mbo tuponamo; Myeembo ili Ciloba.

¹⁴⁶ Ndi lizi bantu banji bala impana aali ceeco, pele Ndi lizi eci. Ndi licizi. Kutali ku kaambo kakuti Nda amba mukuti mula caamba; nkambo, tii Nda kacijana kuli lwangu. Muyeyeo wangu—wangu tauli muyeyeo wangu wini. Kufumbwa eco Ca ka ndaambila, ikuti na Cili lubide, nkokuti cili lubide. Pele Nse cambi kwiinda kuli lwangu, Nda amba kwiinda kuli ceeco Muntuumwi umbi nca kaamba. Oyo Muntuumwi umbi ngu Leza waka kanana kuli ndiswe a kucita zintu ezyo zyoonse Nzya kacita, a kubonekela, mwabona, aboobo Ndi lizi cili luleme.

¹⁴⁷ I—i kubungana kwa Israyeli yalo Myeembo. I Myeembo nja kubungika Israyeli. Amubone, nkoonya kulila kwa Mweembo Mutaanzi; bulowa, mulilo, civilamabwe, a zintuzyonse, zya kamwaika aansi. Mwabona? Ncinzi Nca kali kucita? Kugusya Israyeli kuzwa ku Egepita ya kumuuya, mwabona, kujokela ku nyika yakwe ya cizyalilo.

¹⁴⁸ Lino anda ambe eci mpoonya awa, kuti, aumwi Mweembo oyo waka lizigwa, wakalizigwa kunsi lya Cinamatizyo Cacisambomwe. Tula sika kuli ncico maminiti masyoonto, oko nko twaka jata Cinamatizyo awo. Yoonse Myeembo yaka lilila kunsi lya Cinamatizyo Cacisambomwe.

¹⁴⁹ Nkaambo, Cinamatizyo Caciloba, kwa kali luumuno. “Taakwe umwi wakazi; eelyo lyakali miniti na oora Kristo nayo boola,” mbuli Mbwa kaciyubununa kuli ndiswe.

¹⁵⁰ Pele aumwi Mweembo waka lilila kunsi lya Cinamatizyo Cacisambomwe, kunsi lya kupenzegwa kwa ba Juda. Amubone, Ciubunuzyo lino, ca 8, a kutalikila a kampango ka 7. Zyoonse zyakali kwiita Israyeli kuzwa, kunyama, mu Egepita; lino ciita

Israyeli kuzwa, ku kuyeeya kwa kumuuya. Wa kali kubacitya kulibambilika kuboola ku pobwe lya Mulungo.

¹⁵¹ Amubone, pobwe lya myeembo lyakali litanzi, yakali pentekoste. I pobwe lya mulungo lya kaitobela, nikwakainda mazuba ali makumi ali osanwe. I pobwe lya mulungo, amu cibale awa. Tuyo, antela, ikuti na tu jisi ciindi cinji, tuyo tondeka kuli ncico a kucibala kuli ndinywe kuzwa mu Bbaibbele, awa mu Balevitiko 12, lino, na Balevitiko 23, mubwini, a Balevitiko 16. Tu jana kuti citaanzi lyakali pobwe lya i—lya myeembo. Wakali mulungo alimwi i . . . nikwa kamana kutobela pentekoste, lino tu jana kuti . . . I pobwe lya mulungo lya katobela pobwe lya myeembo.

¹⁵² Lino amubone, Mweembo wakalila, nkabela kwakali kubunganya antoomwe. Lino, Mweembo Mutaanzi waka lizigwa, kwa kali civulamabwe, bulowa, mulilo, zya sansailwa aa nyika, mbubonya buyo mbo kwakabede mu Egepita, kuli bambila ku baita ku Buzuba bwa Mulungo. Mwabona? Ba kakaka Mulungo wini. Elyo myaka eyi yayungizigwa kwiinda awa, wakali mwaka wa pentekoste. Mwabona? Lino kulila kwa ba Juda nko kutobela.

¹⁵³ Oku kwali kwiitwa kuzwa kwa Mbungano. Amulange kabotu loko. Lino, yalo, kumane, Wa kabatola ku nyika ya cisomezyo; kwalo Uyo cita cintu nciconya, muli eco, mu ciiminizyo, Ula tola Mbungano ku nyika ya cisomezyo.

¹⁵⁴ Amuyeeye, aumwi Mweembo wakalila kunsi lya Cinamatizyo Cacisambomwe, biyo mpawo cindi walizigwa.

¹⁵⁵ Amubone lino, mbubonya, buzumanane bwa Lugwalo, mbubonya ncobeni. Kunsi lya Mweembo Waciloba, ngwa kuli Israyeli mbubonya mbuli Cinamatizyo Caciloba caali caku Mbungano. Tu jana kuti, kunsi lya Cinamatizyo Caciloba, nce cindi eyo myuuya yakali kunsi lya cipaililo okuya, niya katambula zikobela . . . Ya kapegwa zikobela, kutali kuti yaka zibbadelila, nkaambo bakali mu bubanje cindi Leza nakali kubeleka a luzyalo kuli Bamasi, kutali ba Juda. Israyeli ila futulwa mbuli cisi. Leza ubeleka a Israyeli mbuli cisi. Bamasi balo “mbantu ba Zina Lyakwe,” kutali cisi ca Zina Lyakwe. Israyeli!

¹⁵⁶ Elyo cindi Hitler a bamwi niba kapenzya ba Juda, a kucita zintu nzoba kacita kunsi lya ceeco; amulange, balo, Stalin, Hitler, a boonse abo baleli banguzu zimaninide mbo bakabuka. Ikuti ni twali jisi ciindi cinji, calo, caku ciloolola ku baswayi bapya, pele twa kainda muli ncico. Kunsi lya bukkalo mbubonya obo, kuti kwakali mu Germany a—a masi onse ambi, ba Juda baka sabalangana mu nyika yoonse. Pele kwakabuka, mu myaka yamamanino ili makumi obilo, kupenzegwa kupapa kulwana ba Juda.

¹⁵⁷ Nda kaliko okuya ku masena akaindi nkoba kaumpa mibili yabo, a kwii umpa kuba itwe, a kubelesya i...kabelsy a itwe lyabo kuba camutunzya ku bulongo, bana ba Cijuda, a banakazi, a zintuzyonse. Mpawo basola ku cikaka; amu kabatole nkoonya kubusena a kubatondezya awo mpo caka citilwa.

¹⁵⁸ Kwa kali kupenzegwa kupapa kuli Israyeli, nkambo cakali ciindi ca kumwiita lino kujokela ku Mulungo. Walo ucili kunsi lya mulungo wa kabelele kakunyama. I Kabelele keni ika Leza Mulungo, nkabela waka Ka futatila, nkabela Bulowa bwakali ali Nguwe kuzwida awo. mubone, kucitya bantu kulibambila! Obo mbo zilondokede mpawo Mweembo Waciloba a Cinamatizyo Caciloba, kabotu antoomwe, kupenzegwa kwa ba Juda.

¹⁵⁹ Amulangisye, mu Ciybunuuzyo cipati 9 a kampango ka 13, lino amubone kabotu loko, kunsi lya Mweembo Wacisambomwe. Ciybunuuzyo 9:13, kunsi lya Mweembo Wacisambomwe, amulangisye, kwakali basimbizi bali zyuulu zili myaanda yobilo zyabobo ba kaangidwe mu mulonga wa Eufuleti, ba kaangululwa kunsi lya Mweembo Wacisambomwe. Lino takukwe basimbizi bali zyuulu zya myaanda yobilo mu inyika; pele kwakali basimbizi bali zyuulu zya myaanda yobilo. Amu cibone. Ndi yanda kuti mu cilembe, kutegwa inga mwa cibala.

¹⁶⁰ Tee zyakali mbizi zyakunyama. Zya kafulida mulilo, alimwi zya kajisi zikwabilizyo zya jasipi, alimwi—alimwi zya kajisi micila. Elyo kumamanino a mucila kwakali kulibonya mbuli kabanzé, mutwe wa nzoka kumamanino wayo, kauluma. Mwabona? Zya kali mbizi zya kumuuya, madaimona akumuuya, mbizi zyalumamba, ayo akaangidwe muli Eufuleti kwa myaka eyi yoonse, madaimona agambyakwiinda. Ino akali nzi? I Bulelo bwakale bwaba Roma nibwa kabukulusigwa; kupenzegwa kwa ba Juda. Akali angidwe kutandila myaka ili zyuulu zyobilo, ku mulonga wa Eufuleti, takakonzya kuzubuka mu cisyomezyo; nkamu ya bukombi yakali kusola kusika ku lubazu lumbi. Eufuleti, nywebo mulizi, kaboola kwiinda mu Edeni. Pele akali angidwe okuya, madaimona ali zyuulu zili myaanda yobilo ya kupenzegwa.

¹⁶¹ Elyo amubone eci cicitika kunsi lya Mweembo oyo Wacisambomwe. A kaangulwidwe ba Juda; kupenzegwa kwa ba Juda. Madaimo Aindakugambya, kutandila myaka ili zyuulu zyobilo, mpawo akaangululwa a Stalin, Hitler, aa ba Juda. Nywebo mwati, “Ee, ayo taali a Roma.” Walo muuya nguonya. Ba kacita cintu nciconya ncoba kacitila Banakristo, mu mazuba akale aba Roma bahedeni. Lino amulangilile Israyeli yakunyama, a Mbungano ya kumuuya lino, mbuli mbo tuyaandanya awa. Kaangululwa aa ba Juda.

¹⁶² Nywebo mulayeeya, kunsi lya Cinamatizyo Cacisambobwe, obo aumwi wa basikufwida bukombi abo, kweendelana—kweendelana ku Ijwi lya Leza, bakatambula zikobela.

Zya kapegwa kuli mbabo kwiinda ku luzyalo, nkaambo bakoofwasigwa kutegwa batakonzyi kubona Makanimabotu abo, kutegwa bantu aba bakonzye kwiitwa kuzwa kuli Bamasi nkambo ka i—i Nabwiinga. Ba kapegwa zikobela, Bbaibbele lyaamba kuti awa, kunsi lya Mweembo oyo. Balo ba Juda, ba lwana Kristo cakumaninina a zintu zyoonse; kaambo mbo babede, nkaambo Bbaibbele lya kaamba kuti bakoofwasigwa. Elyo ba koofwasigwa nkambo ka ndinywe. Elyo Leza alikke nguuzi kuti bayo Atambula, pele ba koofwasigwa kambo ka ndinywe. I Bbaibbele lyaamba boobo.

¹⁶³ Mboobo bulelo bwaba Roma, kabwangidwe awo ku (nzi?) inguzu zya bupaizi. Ili, Rome, Rome ya buhedeni yakaba Rome ya bupoopu, alimwi bwa kaangwa okuya mu tunsiyansiya twayo twa Banakristo. Eco cibela ca Munakristo, a—a malweza ngo caka jisi akwa Rome kubikka antoomwe zyoonse ezi; kukomba banakazi, a yoonse eyi misyobo ya zintu, a mazuba aa Krisimasi, a mazuba akupumuna, a mazuba aasalala, a zintu. Ya kaangwa a kansiyansiya ako cakuti tai konzyi kwaanguluka, nkaambo ilwana milazyo ya Bunakristo. Walo ucili muuya nguwenya, wabuhedeni mubi! Elyo oyo muuya waka cegwa mu masi aa inyika, kweendelana ku zisinsime zya Ezekieli a bamwi babo.

¹⁶⁴ Elyo ba kaangulwidwa aa ba Juda, abo takazi kujatikizya Muuya. Ngaayo maseseke anu ayo akasiswa kunsi lya Cinamatizyo eco awo. Mwabona? Amu cibone. Twa kacilangalanga kale. Elyo Njo mutondezya Mweembo oyu awa, oyu Mweembo wamamanino, eco cicitika. MBAabo mbo babede. Eyi Myeembo yangulwidwa aa ba Juda, (sa tamu boni?) kutali aali Bamasi. I Bamasi, cindi Zinamatizyo nizya kajulwa, baka bikkwa zyaando; ciindi cakamana; Mbungano yakaitwa.

¹⁶⁵ Mula yeeya cilengaano ca buzuba bumwi? Amuyeyeye i ku—.i kusondela kwa ncico? Mbangaye bayeeya, kunze aa Munondo mwainda? Obo mbo cakali mbubonya, ni cakainda. Twa kacibona, mbubonya, kabona cintu eci catombe, cisofwi kacili bonya, citegwa mbungano, bubyabi bwakaindila. Elyo oyo Nabwiinga muniini, wa cisi acimwi, umwi aumwi wabo kasamide mbuli cisi cabo nkoba kazwida, kabeenda buyo cakulondoka kumbele lya Mwami.

¹⁶⁶ Nywebo amubone, kuyooba ciindi, ciindicimwi, noba yoamba, “Ee, Nda kali kuyeeya kuti Mbungano ya keelede kuunka kwa kumana kupenzegwa. Nda kali kuyeeya kuti kwakali Kukwempwa.”

“Kwa kainda kale nkabela to kakuzi.”

Eco nce ncico Nca kaamba kujatikizya Johane ciindi cimwi, nywebo mulizi.

¹⁶⁷ Kati, “Buti, nkaambonzi basinsimi abo ii—.i balembi, kuti Eliasi weelede kusika lutaanz?”

¹⁶⁸ Wa kati, "Wa kasika kale." Elyo abalo basikwiiya teeba kacizi. "Ba mu citila eco ncoba kacita."

¹⁶⁹ I Kukwempwa kuyooba munzila njionya. Mu—mu oora . . . Wa kasyomezya kucita ceeco. Ta kasyomezya kutondezya Eliasi obo, pele Wa kasyomezya kutola Nabwiinga oyo. "Mu oora ndya tayeeyeli," kucinca buyo, mu kaindi kaniini ka kulaba kwa liso, aku kwempwa. Mpawo wa syaala, mpawo eco nce ciindi!

¹⁷⁰ Myaka ili zyuulu zyobilo, oyu muuya kwiinda mu bantu bana Roma, mbungano ya bana Roma, tiiya kakonzya kweenda. Pele oyo muuya nguonya kaulibonya, lutaanzi, kumusanza muli Mussolini mu Rome, mweendelezi wanguzu zimaninide. Nywebo mulizi zyosanwe . . .

¹⁷¹ Zintu zyosanwe Nzya ka nditondezya, mu '33, zyakali kuyo citika. Zyosanwe zyazyo zya kacitika kale. Mwiiyi Lee Vayle ulemba bbuku ali nzizyo awa lino. Mwabona? Zintu zyosanwe, cakulondoka, alimwi zintu buyo zyobilo zimbi zyeede kucitika. Kati, "Kuyo citika kakutaninga buyo kuba Kuboola." Mpaawo tuli nkoonya ku mamanino lino, akuboneka mbuli kuti cintu cisisambomwe cili mukuyutuka ncobeni. Mwabona? Cakulondoka, mbubonya, alwalo lumamba anzila mbo ziyo citika, mbubonya mbuli mbo kweelede, alimwi taakwe ciindi comwe nicaka impya.

¹⁷² Amuswiilile, nobantu, tweede kulingula tumpangaliko toonse oora lyonse. Tamu zyi awo mpo twiimvwi. Munsi loko!

¹⁷³ Lino, lino wa kaangulula, aa, kunsi lya ceeco Cinamatizyo Cacisambomwe, aya madaimona akumuuya ali zyuulu zili myaanda yobilo, akatalikila mu Rome, Germany, Hitler. Elyo amubone omuya mu Bbaibbele, awo mpo bakatambula, kwiina . . . Ba katambula nguzu mbuli bami, pele tiiba kasamikwa misyini. Mweendelezi wanguzu zimaninide tasamikwi musyini mbuli mwaami; utambula buyo nguzu mbuli mwaami.

¹⁷⁴ Oh, Muuya wa Leza kaweenda buyo kwiinda muli ndime lino, nywebo mulizi, kwaamba buyo cintucimwi. Ta ndizi mwa ku caamba, naanka eco ca kwaamba, alimwi ndiza ncibotu Nta citi.

¹⁷⁵ Amubone, yobilo zyu- . . . madaimona ali zyuulu zili mwaanda aka anguludwa aa ba Juda abo, cindi niba kabaumpa, baka babambula. Ba kabikka luwo mu nsinga zyabo. Ba kaba jaya, mane tee kwakacili gasi yaku bajazya. Elyo baka badubula, mane teeba kacili jisi misyonga yaku badubuzya. Elyo ba—alimwi ba kacita zintuzyonse nzoba kakonzya kucita. Ba kaumpa mibili yabo kuba itwe, a zintuzyonse; a kulengeleyza aa lubaya, bana a boonse, bantu batakwe milandu. Nkaambo bakali ba Juda, baka citwa munzila eyo. Pele Leza wakati Wa kapa umwi aumwi wabo cikobela, cakuteelala mbuli mbo bakabede;

pele luzyalo Lwakwe kubofwaazy a kutegwa swebo tukonzye kubona.

¹⁷⁶ I Cinamatizyo Caciloba ta cina julwa, nywebo mulizi. Oko Nkuboola Kwakwe.

¹⁷⁷ Aboobo kucindi niba kacili kunsi okuya, pele, Wa katu tondezya awa, mu kusondela. Mbuli Johane, Wa kamutola kujulu.

¹⁷⁸ Elyo ciindi comwe, keenda a lwizi, nywebo mulizi; wa kati, “Ino kujatikizya mwaalumi oyu uyaama aa camba Cako?”

¹⁷⁹ Wa kati, “Ino cili buti kuli ndinywe ikuti walindila mane Nka boole?” Mwabona, ta kalindila, pele Wa kamutola kujulu a kumu tondeezya ceeco, cintu eco cicitika mane Aka boole. Waka mutondezya buyo, kalangalanga alimwi bukanze boonse kuli Johane.

¹⁸⁰ Amubone, lino tu jana kuti ezyo nguzu zyakunyama kunsi lyakunyama, ku cisi cakunyama, Israyeli, wa kaangululwa awo. Elyo ino cakacita nzi? Ca kaunka a kucita lumamba, a nzila mbo cakajaya a kupenzya.

Lino mu cilao cabapaizi bwa ncico! Nda . . . sa nywebo . . .

¹⁸¹ Ndi syoma kuti Leza ula jula meso anu kuli ceeci lino. Nkaambo, Nda mvwisya kuti eci tacu kanani biyo ku mbungano eyi okuno. Eyi teepu yiinka ku inyika yoonse. Elyo Nse kanzi kunyonganya kulimvwa kwa umwi, pele kwaamba buyo Kasimpe.

¹⁸² Lino cilao cabapaizi ca juka, kuzwa ku lubukulusyo lwa kunyama ilwa Rome yakale ya buhedeni, kaunka ku ba Juda abo, abo bakali basinkondo babo lyoonse. I mulavu, a meno a zintuzyonse, waka jintaukila ansi a kumwaya bantu. Rome, lyoonse yali sinkondonyina a Leza! Elyo ya kaangululwa mu muuya nguonya, kwiinda ku beendelezi banguzu zimaninide iba inyika, nkaambo ciyanza cabukombi cakacili jisi. Lino caangululwa.

¹⁸³ Ino cacita nzi? Mu “bupyungi,” mbuli Mbwa kaamba, wa kaboola a koongelezya. Elyo ncinzi ncacita? Uli mukuleta Kkanso ya Bapaizi bwaba Protestant ya Mambungano Aanyika, muuya wa sikulwanakristo ali boonse babo, kuba leta ku cijailo, mbubonya mbuli mbo bakacita bamwi, mu oora lya kwiita Nabwiinga. Buti? Kaangulula muuya wa mbungano ya bapaizi. Kwaangulula aa nzi? Kutali aa tubungwe; ali Nabwiinga! Pele awa muyo cimwisya, Nabwiinga tako indi mu ciindi eco. I Bbaibbele talyaambo obo. I mbungano iyocita, pele kutali Nabwiinga. Tamu konzyi kubona na? Bakutausi, tamu konzyi kubona ceeco na, bakwesu?

¹⁸⁴ Nywebo mwati, “I Mbungano yeelede kwiinda mu kupenzegwa, nkambo i—nkambo ka kulondolwa kwa Njiyo.” I Bulowa bwa Jesu Kristo bulondola Nabwiinga.

¹⁸⁵ Ii mwaalumi uusal uusala mukaintu tamu bikki kwiinda ku kusubulwa kunji; wa kajana kale luzyalo, awalo, kuli nguwe; waa kajana luzyalo kuli nguwe. Wa—wa ka mutanga. Elyo, ikuti na kuli cintu cili coonse, uyo mubamba kuzwa ku busena boonse akunyona janza lyakwe. Luzyalo Lwakwe ndupati loko ali mbabo.

¹⁸⁶ Elyo aboobo mbo ciyooba ali Nabwiinga, alimwi mbubonya mbo cibede ali Nabwiinga. Swebo to zilenge ziteeeli, kweelela gehena, pele luzyalo Lwakwe lula jatilila kwiinda muli ncico. Amulange na mbangaye basweekede a bofweede! Mbangaye, mbangaye basizibi bakaliko mu inyika, oora Ne kafutulwa! Leza waka ndifutula ku bukanze; alimwi Ndili kanzide, ku luyando Lwakwe, kucita bukanze obo. Ta ndikwe makani eci cili conse cimbi ciinka; Ndi yanda kubu cita.

¹⁸⁷ Elyo mu oora Ne bona mambungano oonse, bweebesi bupati bwa ngawo, “elyo avubide, a takwe nca bulide,” ala mba; a kwaabona, kasampukide, kapengede, kaofweede; alo kaakuumauma ku makuko, tuyanda kuti ulimvwanye angawo. Nda kazyalilwa bukanze, mbwa kutapatila cintu eco a kwiitila kuzwa. Eci Nda cita.

¹⁸⁸ Amuyeyeye, cindi Jesu nakasika aa nyika, kwakanyina omwe kuzwa mumwaanda wa bantu aa nyika wakasola kuziba Mbwa kabede okuno. Wa kaboleela kujana nkamu iisalidwe. Kati, “Taakwe muntu ukonzya kuboola kuli Ndime citakuti Taata Wangu wa mukwela. Elyo boonse Taata mba jisi,” kabala kaamba zyakaindi, “ka Ndipa, bayo boola. Bayo ciziba. Bayo Li mvwa.”

¹⁸⁹ Amubone kwaangulula kwa muuya oyu wa bapaizi. Lino myaka ili makumi obilo niya kainda, kumane lumamba olo, tula bona kwaangululwa kwa muuya wa bapaizi. Kunsi lyanzi? I Cinamatizyo Caciloba; Mweembo Waciloba ku ba Juda.

¹⁹⁰ Amulange ku mweezi mbouya busiya. Kuli kunsi? Mwabona waka dimuka, Mwana wa muntu muku tandwa kuzwa ku mbungano.

¹⁹¹ Ino ncinzi? Kubeleka a nkamu ya bapaizi. I—i kakamu kabapiazi, alimwi a Kkanso Yanyika ya Mambungano, yeenzya muntu oonse... Ino cintu ciiminina nzi? Ba, weeleda kupa kuyiisyia kwako kwa buvangeli a zintu. “Mbobuti bobilo mbo bakonzya kweenda antoomwe citakuti bazuminana?” Taba konzyi. Jesu wakati taba konzyi. Elyo mbobuti mbungano mbo ikonzya, Methodisti ba Baptisti kweenda antoomwe? “Mbobuti Mbungano ya Kristo mbo ikonzya kweenda a yaba Presbyteria? Mbobuti Katolika mbo ikonzya kweenda aya Protestant? Mbobuti ya Protestant mbo ikonzya kweenda aya Protestant?

¹⁹² Pele Nabwiinga ulakonzya kweenda a Ijwi, lili ngu Kristo. We elede kuba mu kuzuminana. Kutali ciyanza ca bapaizi; pele

Ijwi. Mwe elede kuzuminana a Ijwi, ku kweenda a Ijwi. Jesu wa kaamba boobo. Eco cila cilulamika.

¹⁹³ Amubone, ngooyo mbwabede lino. Waa ngululwa, kwiita zyoonse ezi ziniini zitana manizigwa kupandululwa, “Oh, ee, tacibambi lwaandaano lumwi, nekuba.”

¹⁹⁴ Nce ncico Saatani nca kaamba kuli Eva, “Tacibambi lwaandaano lumwi. Cili kabotu. Ncobeni, Leza ngu Leza mubotu. Ula tu yanda toonse.” Ta citi.

¹⁹⁵ Mula mvwa kunji maningi kujatikizya Ncico mukuba Leza mubotu. Wa lo ngu Leza mubotu, pele, mukuba mubotu, Walo weelede kululama. Takukwe bubotu kakutakwe kululama. Takukwe kululama kakutakwe mulao, kakutakwe cisubulo, kusubulwa. Aboobo tuli mu oora elyo, ndyo tupona.

¹⁹⁶ Amubone, cakufwambaana lino, aya madaimona aindakugambya. Mpawo, kunsi i—kunsi lya lugwasyo lwa Masi Akamantene, makamu akamantene antoomwe, Kujwe a Kumbo.

¹⁹⁷ Mbuli buyo cituta calulyo a calumwesi ca cinkonzya eco Daniele nca kabona, obo mbo zyata kakonzya kuzuminana a kusangana cimwi acimbi. Alimwi bbala Eisenhower, kuciindi eco... *Eisenhower* lyaamba “butale.” *Khrushchev* lyaamba “bulongo.” Elyo wa kasomona bbusu lyakwe a kulibbompela [Mukwesu Branham wakonkomona aa cikambaukilo—Mul.] aa desiki ku i... cindi ca Nsangano ya Masi, na i U...ku i UN. Khrushchev mbwa kacita, waka kunkumuna i... Oh, ma! I oora eelyo ndyo tupona! I mbungano a ciimo cayo!

¹⁹⁸ Pele, alumbwe Leza, Nabwiinga muniini wali bambila kale Mwini. Ta kali kaindi kalamfu. Ko lindila buyo. Takakabi kaindi kalamfu. Ta ndizi na nkulamfu buti, tandizi na ndelili; taakwe uzi ceeco. Pele tu lizi cili munsi lino, kwini.

¹⁹⁹ Amulange zya bupaizi. Amulange eco, cakunyama, cakacita citaanzi ku ba Juda. Abo bakali bantu baka jisi ku milao ya Leza. Takukwe makani kuvula kwa mambungano abuka, cintu cimbi, ba koofwazigwa kuli Kristo, a kujatilila ku mulao oyo. Elyo Leza wakabapa zikobela, umwi aumwi wabo, nkaambo ba kainda muciindi cakufwida bukombi bwabo. Mwabona? Bali—bali... Ba kali ofweede nkambo ka ndiswe.

²⁰⁰ Awa lino, Mbungano, eyo iitazi cintu cita Bbaibbele. Kutalanganya ciyanza cabapaizi, kabungwe, taakwe nco bazyi kujatikizya ncico. Calo conse nceenzu kuli mbabo. Bali Mu zyi, alimwi Walo alike.

²⁰¹ Bantu sunu bali mbuli Petro kumwi abamwi mbo bakabede, atala lya Mulundu wa Kusanduka. Ba kabotelwa loko boonse cindi niba kabona cigambyociinda ni cakacita, a umwi wakati, “Tuyo panga mbungano yomwe ya—ya basinsimi, a imwi kuli Musa.”

²⁰² Elyo nje nzila bantu, ba Pentekoste ncoba kacita. Ba katи, “Tuyo panga yomwe, Asemblisi ya Leza; a imwi, mbungano ya Leza; a imwi, ya Bumwi; a imwi, ya Bubili,” azimwi mbuli zeezyo.

²⁰³ Pele kuciindi nakacili kukanana, Jehova wakoompolola, “Oyo ngo Mwana Wangu uuyandwa,” Uli ndi Ijwi, “amu Mu swiilile!” Mwabona? Walo ndi Ijwi.

²⁰⁴ I oora ndyo pona, nkamu zyabapaizi, myuuya kaikamantana antoomwe lino a oonse kubaleta kuli cimwi eci cijailo cipati, ku kuzimaazigwa. Cili kale mu bulembu awa, mu cisi eci lino, kuti mambungano aya ayelede kujalwa citakuti kamuli amwi a kabunga. Lwalo ndukamantano, kwalo nkutakata, mbuli buyo caando ca munyama.

²⁰⁵ Elyo lino mula bona obo munyama mbwa bede, embo na? Ni nguzu. Elyo nguzu, nguzu zyabupaizi, Jesu wakati, “Ziyo tandila kukozyanya mbuli cintu cini, inga ziyo cenga mbabonya Basalidwe ikuti na kwakali kukonzeka.” Pele Wa kasyomezya kuba cintucimwi okuno cesu mu buzuba obo, kutegwa tu taka cengwi, nkabela elyo ndi Ijwi, alimwi Kristo uyo Li bamba kuyubuluka kuli ndiswe. Alo alagambyakwinda, madaimona, atabonwi ku meso, pele mula konzya kubona eco ncaali mukucita. Mwabona?

²⁰⁶ Amubone, kuciindi nkamu eyo noiya butanta, kulibambilila beni kuzyula zintuzyonse ezyo zita kazuminani a mbabo, kuli nkamu imbi ili mukulibambilila, kwiinde kaindi, Ciyubunuzyo 19. I cindi citobela Mbungano noi mvugwa, Ya boola, ayalo, kutali aa mbizi zini, pele Bbaibble lyakati, “Wa kali tantide aa mbizi ituba, nkabela makamu aa ku Julu akali ku Mu tobela aatala lya mbizi zituba.” Mbo mbubo na?

²⁰⁷ Kuciindi nkamu eyi kumusanza awa noijisi bali zyuulu zyobilo baangidwe ku mulonga wa Eufuleti, alimwi bakaangwa kwa myaka iili zyuulu zyobilo, ayalo mbungano eyo ya kaanga Muuya Uusalala kutandila myaka ili zyuulu zyobilo, kunsi lya bakajailwa bukombi bwabo kaindi okuya, a kunsi lya makkalo aa mbungano. Wa kaangwa, kutali ku mulonga wa Eufuleti, pele ku mulyango wa tunsiyansiya a tuyanza twa buzumini, kuti Muuya Uusalala utakonzyi kubeleka mu mbungano nkaambo ka ziyanza zyakapangwa aamuntu. Pele Uyo angululwa, Uli muku jokela, ncencico Bbaibble ncolya kaamba. Elyo abo bobilo bala swaangana a bbuwa lyankondo, Lusifa a Mikayeli alubo, mbuli kumatalikilo. Ba kali angidwe kwa myaka iili zyuulu zyobilo, kutandila, kutandila myaka ili zyuulu zyobilo.

²⁰⁸ Kutali ili zyuulu zyobilo zini, nkaambo ba Roma bakazumanana kuya bweenda, Titus mu A.D. 96, a kuyabuya muciindi mbuli boobo, kajaya ba Juda. Ba Roma! Nguni waka jaya ba Juda? Wakali ni Titus? Silutwe mupati waba Roma. I bulowa bwaka kunkila ku milyango kunselelo akuya, atala

ku i...oh, aku bajaya, banakazi, bana, a zintuzyonse. Sena Ezekieli 9 ta kaamba kuti inga bayo cita ceeco? "Kwiinda akati ka muunzi a kubikka caando aa bantu batongela a kulila," i—i Muuya Uusalala. Elyo bamwi babo, "muntu sikujaya waka yutuka," oyo wa kaangidwe; kaba jata, kaba jata, kusikila niba kaunka a kujaya zintuzyonse ezyo zyakali omuya. Banakazi baniini, banakazi, bana, bavwanda, a zintuzyonse zimbi, boonse baka jaigwa. Nincobeni.

²⁰⁹ Nceeci alubo, kacili loolola cini. Elyo nceeci ciyanza cabapaizi ka cijokela ncobeni, kacisuka buniini, kulyataula zintuzyonse ezyo zitegwa Leza. Oh, ba jisi ziyanza zyabo, a tubunga, a tubungwe, pele eco ta cijisi cakucita a Bbaibbele. Bayo kwaambila cakufwambaana kuti uta Li syomi akwalo. Iiyi, munene. "Ambo ceeco mbungano neco yaamba."

²¹⁰ Calo nceeco Leza ncaamba! Eelyo ndi Ijwi. I Nabwiinga uli antomwe a Majwi; bali Bomwe. Mbobuti mbo bakonzya kuba Bomwe? Cindi elyo Ijwi, lilembedwe Omuya, lyaba muli ndinywe, a kubamba—kubamba ndinywe a Ijwi kuba Bomwe. Eco ncencico Nca kasyomezya.

²¹¹ Mpawo, Li lapandulula. Leza tayandikani sikupandulula. Ba lati, "Ee, tuyu Li pandulula mbuli *boobu*." Tamu jisi nguzu zya kupandulula cintu. Leza ulacita kupandulula Lwakwe Mwini. Leza wakati, "A kube mumuni," nkabela kwakaba mumuni. Nguni waka pandulula ceeco? Wa kati, "Ii nakalindu uyo mita," nkabela waa kacita. Eco tii cakayandikana sikupandulula; caka pandululwa kale. Leza wakati zintu ezi ziyo citika mu buzuba obuno, nkabela mbo kubede. Ta ciyandikani sikupandulula. Cila lipandulula Cini. Oh, ma!

²¹² Ciybunuzyo 9:1, kunsilya Mweembo Wasanu, mwaami wabo... Amubone, Ciybunuzyo 9:1 lino, mwaami wa nkamu eyi ya mbizi zili zyuulu zya myaanda yobilo. Ba kajisi mwaami wakali kubeendelezya, alimwi, ikuti na twalangisya, yakali nyenyeezi yakawa. "Nkaambonzi yebo wawa kuzwaku julu, O Lusifa?" Oh, obo Mwiyyi Smith mbwa kacimvwa mukunyongana loko kutala okuya, pele, cili kabotu, mwabona, tii cakali ca oora lyakwe. Mwabona? Ncibotu. "Wakali mulindi uutagoli; mwaami wabo wakali mwaami wa mulindi uutagoli."

²¹³ Ciybunuzyo 17:8. Nda lemba cintucimwi ansi awa. Nda cibala buyo. Nywebo mwabona awa, Ciybunuzyo 17:8. Ndi yanda kubona neco caamba awa, nkaambo Nse zyi buyo nzila ya kuuma ceeci citobela, 17:8.

Elyo i munyama ngo kabona wakaliko, elyo tako; alimwi wakatanta kuzwa ku mulindi uutagoli, alimwi uyo unka mu lunyonyooko: alimwi abo bakkala aa nyika bayo gamba, bala mazina ata lembedwe mu bbuku lya buumi—lyi i buumi kuzwa ku malengelo aa inyika,

cindi niba kabona i munyama oyo wakaliko, oyo utako, alimwi oyo uciboola.

²¹⁴ Mwabona, “wakaliko,” omwe poopu wafwa, umwi umbi watanta. “Munyama oyo wakaliko, oyo utako, oyo uliko; oyo utako, oyo uliko.” Tacinci mabambe akwe; ngu poopu, ciindi coonse, zintuzyonse. Zintuzyonse zyelede kunjila mu ciyanza nciconya.

²¹⁵ Elyo ciyo sika kuli? “Ku milindi itagoli.” Elyo Bbaibbele ly a kaamba awa, kuti, “I musololi wa balombwana aba wakali kuzwida ku milindi itagoli, alimwi oyo wakali mwaami wabo,” alimwi ula kkala aa musyini waziga zyotatwe, a kusangana ba Protestant a nguwe.

²¹⁶ Kamvwa mupaizi muna Luthareni kaamba, buzuba bumwi, wakati . . . na, mukambausi muna Lutherani, wakati, “Ee, bantu bandi buzya kaambo Nce sama ii—ii kkola. Mbubuti mbo bakonzya kundaambilka kuzwa i . . .” Sa wakaliko okuya? [I] mukwesu waamba, “Iiyi.”—Mul.] Inzya. Elyo, eco, eco tii cakali cabufuba na? Nda—Nda kalimvwa kutandila mbuli kuluka, kazwa aa cibumbili. Ba kati, “Nkambo, ta kweelede kuba kwiimpana kuli koonse.”

²¹⁷ Ikuti na Luther, Martin Luther, wamvwa ceeco, inga wabbulungana mu cuumbwe cakwe, kwaamba, “Nywebo basikuupaupa, tamu zulilwi mu zyuuno zyangu zimwi.” Uh huh. Mwabona?

Pele mulizi awo mpo cijisi? “Kwiina lwaandano.”

²¹⁸ Kuli lwaandaano. Akwalo kwiimpana mu mugame. Leza wakati, “Amu Ndi salile, a Paulo a Barnabba,” mbo mbubo, “nkambo ka mulimo.” Amusale! Leza ngu sikusala, kutali sikusanganya. Ii kusa—. . . I mbungano iyanda sikusanganya muboto, sunu, ukonzya kubalekela kusama zisani zyakusambya, a zibbudula, a zintuzyonse zimbi, a kuzwa kuya bulilemeka mbuli boobo. Pele Leza wakati, “Amu Ndi salile!” Amu lyandaanye nobeni kuzwa ku inyika!

²¹⁹ Ciybunuzyo, tu jana kuti awa, kuteeti, “mwaami wabo wakali kuzwa ku milindi itangoli,” alimwi oyo nguwenya “wakainka mu lunyonyooko,” mukati a anze, mukati a anze, waka zwa.

²²⁰ Amubone mu Balevitiko, cipati ca 23, obo mbo bulondokede bupanduluzi a mabambe aa Ijwi, antomwe a ceeco neco tusola kupa lino. Amulange eci lino, bubambe. Lino tula bona. Atu vunune a kubala eco kwakaindi buyo kaniini. Mu Muka—. . . kutali mu Mukambausi, pele Balevitiko. Balevitiko 23, lino amubone eci awa, Balevitiko cipati ca 23 lino. Elyo ta tuyandi kwiimpya ceeci pe, lino, kutegwa tu konzye kucimvwa mbubonya nzila Mwami mbwa kacilembela ndiswe awa. Nincobeni nsikonzyi kujana Balevitiko mu Kulonga, Nda konzya na? Yaa, Balevitiko lino. “Elyo Mwami . . .” ca 23.

. . . i MWAMI wakaambila Musa, kuti,

Amba ku bana ba Israyeli, kuti, Mu mwezi waciloba,
mu buzuba butaanzi bwa mwezi, muyooba a sabata,
ciibalusyo ca kulizya myeembo, a imbunga iisalala.
Mwabona?

Muyo cita . . . i mulimo wa mitukuta muli mbubo: pele
nekuba ta mu katuuli . . . zipaizyo zibambwa ku mulilo
ku MWAMI.

. . . alimwi muyo tuula cipaizyo cibambidwe ku mulilo
ku MWAMI.

²²¹ Lino amulange. Lino amubone.

Elyo MWAMI wakaamba . . . Musa, kuti,

Akwalo mu buzubu bwa kkumi i bwa mwezi waciloba
kuyooba buzuba ii bwa mulungo: . . .

²²² Mwabona, mulungo waka tobela i . . . Amulange lino. I
mulungo waka tobela kulila kwa mweembo. Mwabona? Mbocili
cibotu! Mwabona? I buzuba bwa mulungo bwaka tobela
mweembo.

²²³ Lino—lino, mazuba ali makumi osanwe aa myeembo, kuli
ndiswe, aiminina cindi mweembo niwa kalila ku pentekoste, ali
mazuba ali makumi osanwe. Lino—lino—lino, kumane ceeci, ba
Juda baacikaka Eco.

²²⁴ Lino Myeembo nja kubajosya ku Mulungo oyo, mwabona,
Mulungo ngo baakaka. Elyo baakaka kutegwa meso esu akonzye
kujuuka; aboobo aka jalwa. Elyo kuciindi eci, Zinamatizyo ezyi
zyaka juka, alimwi i—i—i Myeembo yakalizigwa. Elyo lino,
mu kulizya Myeembo, kakutanaba buyo kuboola kwa Mesiya,
nkaambo ba keelede kuba mu Palestine. Elyo mula yeeya
kuti Leza wakacita kuyumya moyo wa Farao, ku kubagusya
mu Egepita; alimwi Wa kayumya Stalin, Mussolini, a boonse
abo, kuba josya mu nyika ya cisyomezyo, oko bali zyuulu zili
mwaanda amakumi one abone nko beeleded kuba.

²²⁵ Elyo lino, ku ciindi citaanzi ca zyuulu zya myaka, myaka
ili myaanda ili makumi obilo ayosanwe, kuti Isaryeli ncisi cijisi
ndembela yaco, impi yayo, a zyoonse, alimwi ilalanganisigwa mu
i—mu i UN. Ciindi citanzi yaba. I ndembela yakaindi maningi
eyo yakasola kuuluka aa nyika, ku ciindi eci, ilauluka lubo, i
zyosanwe . . . nyenyezei ya Davida ijisi ziimbi zili cisambomwe.
Wa kati Uyo sumpula eyo indembela mu mazuba akumamanino,
cindi ano jokela. Tuli kumamanino. Taakwe kuzumbauzya buya
kujatikizya nkuko. Tuli waano.

²²⁶ Amubone lino, cakufwambaana, Ciybunuzyo 9, kunsi ly
mweembo waciloba, “mwaami wabo uzwa ku milindi itagoli.”

²²⁷ Mpawo mu Balevitiko, lino, obo mbo bulondokede
bupanduluzi awa antomwe a Ijwi! Nkaambo, mwabona,

kutobela cakufwambaana, jubbili ya pentekoste yaka tobela buzuba bwa mulungo; matobelanwa aa ciindi ca pobwe. Akati ka pobwe lya pentekoste, ku mulungo, kulila kwa myeembo ya mulungo, lyakali pobwe lya pentekoste, mwaakwe mulamfu wa ciindi. Amulange, kwakali mwaakwe mulamfu wa ciindi akati ka pobwe lya pentekoste, ku kwiita kwa i—kwa mpeta . . . i kulila kwa myeembo, i—i myeembo yeelede kulila; mwaakwe mulamfu wa ciindi. Cantangalala, akali mazuba ali makumi osanwe, kuzwa i—kuzwa i—kuzwa ku pobwe lya pentekoste kusika ku pobwe lya mulungo, akali mazuba ali makumi osanwe. Lino, mazuba ali makumi osanwe masabata eni ali ciloba.

²²⁸ Elyo masabata ali ciloba myaka ya mambungano ali ciloba, Makkalo aa Mbungano. Mwa cimvwa? Mwabona? Mwabona? Lino, ba Juda baka ofwaazigwa, kulindila ciindi eci coonse, kuciindi Tubalwebalwe twa pentekoste nitwa katililwa aa Mbungano. Elyo twa selemukila muciindi ca makkalo abaabo bakajailwa bukombi lwabo, alimwi kuselemukila muciindi ca makkalo, alimwi lino mu bukkalo bwa kwiitwa; zibeela zyotatwe, Muuya nguwenya; mbuli Taata, Mwana, Muuya Uusalala, Umwi nguonya. Mwabona? Pele, Makkalo aa Mbungano ali Ciloba, mukuba masabata ali ciloba.

²²⁹ Masabata eni ali ciloba kuzwa ku i—kuzwa ku mweembo wa jubbili ya pentekoste . . . pobwe lya jubbili ya pentekoste, kusikila . . . I kuyumba kwa maila, alimwi mpawo jubbili ya pentekoste. Elyo mpawo kuzwa ku jubbili kusika ku mulungo masabata ali ciloba, mazuba ali makumi osanwe, elyo ku mamanino aa mazuba ali makumi osanwe ngu i—i mulungo wacitwa. Sa mwa cimvwa? Lino, alimwi eci cijisi cikozyanyo, kuti Mbungano . . .

²³⁰ Cindi Na kayubununwa, Mwini, mbuli Mwana wa Leza, wakali kuyubununwa ku Mbungano mu lubbizyo lwa Muuya Uusalala, muciindi ca makkalo, mu i—i bukkalo bwa pentekoste, mwabona. Kuya kuvula a kuvula buyo kunji; kululamikwa kunsi lya Luther, kusalazigwa kunsi lya Wesley, lubbizyo lwa Muuya Uusalala.

²³¹ Lino nceeci cindi cakwiitwa kuzwa. Ku Cinamatizyo Cacisambomwe, cindi ca—cindi ni cakajuka, kupenzegwa kwakauma ba Juda, mu muzeezo wini waciimo; elyo mpaawo kwaboola kupenzegwa ku mbungano, ku muzeezo waciimo cabupaizi; nkaambo, Nabwiinga waka itwa kale. I masabata amana, akulibambilila ku ba Juda kwiitwa. Kuya kuli? I pobwe lya Mulungo. Oh, mbungano, sa toboni eco? Kaitwa ku pobwe lya Mulungo, (inzi?) ku kuziba Mulungo; takucikwe nkuku a madakisi, a ceeco ncobakali kucita. “I Kabelele ka Leza, kakajaigwa kuzwa ku malengelo aa inyika,” Israyeli iyo ziba Eco.

²³² Amubone, nceeci cintu cipati. Amulange! Oh, ma! I Muuya Uusalala wa kaangwa ku tubungwe, yoonse eyi myaka ili zyuulu zyobilo. Tu jana kuti, Wa kacitwa. Lino amubone masabata, masabata ali ciloba, tiiba kakonzya kujana nzila ya kuzwida. I—i Bbaibbele lyakati, “Kuyooba buzuba obo butakabi busiku na isikati.”

²³³ “Elyo Malembe oonse,” Jesu wakati, “elede kuzulizigwa.” Sa mbo mbubo? Amwaambe, “Ameni.” [Mbunga yaamba, “Ameni”—Mul.]

²³⁴ I musinsimi wakati, “Kuyooba buzuba obo buta kaitwi kuti isikati na busiku, pele mu ciindi caku mangolezya kuyooba Mumuni.”

²³⁵ Ino cakali cinzi? I zuba ndilyonya limunika Kujwe ndi zuba ndilyonya limunika Kumbo.

²³⁶ Ciindi coonse zuba lyazwa, a kuunka koonse a kubbila, caamba buumi bwanu. Muvwanda muniini wazyalwa, kakompeme, cifumo. Kutandila eiti okuloko, wainka ku cikolo. Ileveni theeti, wa zwa ku cikolo, nciindi cakupya kwa buzuba. Mpawo lila talika kubbila, ku myaka ili makumi osanwe yakukomena, makumi ali cisambomwe, makumi ali ciloba, makumi ali lusele, makumi ali fuka. Iila bbila kutala okuya a kufwa; biyo kupilukila buzuba butobel, a kwaamba kuti, “Kuli buumi, lufu, kuzikkwa, bubuke.”

²³⁷ Elyo, amubone, lusumpuko lwa keenda a zuba. I lusumpuko lwakaindi loko ndo tu jisi nduna China. Uli onse ulizi obo.

²³⁸ Nkokuli Muuya Uusalala nkowa kawida? Ku cisi Cakujwe, ku bantu Bakujwe. Elyo Makanimabotu akeenda antomwe a zuba. Aka zwida kuli? Kuzwa okuya Kujwe, mu Germany, kuzwa ku Germany kuyaku England... Kazabukila ku mwaakwe ziindi zyotatwe. Mediterranean kunjila mu Germany, kuzwa ku Germany... Kuzwa ku Mediterranean, kuzwa Kujwe, kuya mu Germany, kwiinda mu Mediterranean; kuzwa ku Germanay, kulanduka Mugelo wa Chikuwa, kunjila mu England; kuzwa ku Mugelo wa Chikuwa, kulanduka Pacific okuya mu...na Atlantic, kuya mu United States.

²³⁹ Elyo lino uli ku Nkomwe ya Kumbo. Wa landuka cisi eco nca kasumpula a kuunka koonse, a kuyabuya. Lusumpuko lweenda; Makanimabotu eenda antomwe a ngawo. Lino oonse ri ali ku Nkomwe ya Kumbo, oko zintuzyonse nko zyaka cibweza, mbuli mayuwe ameenda anjila.

²⁴⁰ Pele musinsimi wakati, “I Mwana taku muniki mu buzuba obu; buyooba buzuba busiyasiya.” Ba kali jisi Mumuni ukubwene, mbuli buzuba bwa mvula maningi, ba kali kukonzya kusangana mambungano, a kusyoma Mwami, a zintu mbuli zeezyo. Pele, wa kat, “Ku ciindi caku mangolezya, makumbi ayo mwaika, tubungwe tuyu zimaana.” Elyo ngaonya Makanimabotu, Ijwi ndilyonya lyaba mu mubili wabantu, mbuli

Mbwa kasyomezya muli Luka 17:33. I Makanimabotu ngaonya, a cintu nciconya, ciyo citika ku ciindi caku mangolezya, kuciindi buyo zimvule zyano umbuluka. I Makanimabotu ngaonya, Kristo nguonya wakapona mu mubili kaindi oko kumatalikilo, ku bantu Bakujwe, uyo pona alubo ku bantu Bakumbo ku ciindi camamanino. “Kuyoba Mumuni ku ciindi caku mangolezya.”

²⁴¹ “Magwalo oonse alipedwe kwiinda ku bunanike,” alimwi taakonzyi kususigwa.

²⁴² I mazuba malemu ali makumi osanwe aka mana. I pobwe ly a pentekoste lya kamana, masabata ali ciloba; kusikila ku myeembo, cikozyanyo ca Bukkalo bwa Mbungano ya Ciloba. Amuyeeye, amuyeeye, i...kunsi lya Mweembo Wacisambomwe, iba Juda...Sa mula swiilila? [Mbunga yaamba, “Ameni.”—Mul.] Kunsi lya Mweembo Wacisambomwe, i—i bana Pentekoste baakaka Bbaibbele; i—i bakasaala biyo, kutali biyo bana Pentekoste, bamwi boonse. I mbungano yanyika yakaka Kristo alimwi Wa tandilwa anze. Elyo mu Mweembo nguonya...Elyo Cinamatizyo nciconya, mubwini, cindi ni Ca kajuka, ku tondezya Jesu aanze lya mbungano, kusoleka kupilukila mukati; ku ciindi nciconya, Mweembo ulilila ba Juda, alimwi ba Juda bayo ziba Mulungo. Bulemu! Aleluya! Oh, ma!

²⁴³ I Muuya Uusalala wa kaangwa kwiinda ku milonga ya tubungwe otu, kutandila zyuulu zya myaka yobilo, pele weelede kwangululwa ku ciindi caku mangolezya, kwiinda ku Mulumbe wa ciindi caku mangolezya. I Muuya Uusalala kujokela mu Mbungano alubo; Kristo, Mwini, wayubununwa mu mubili wabantu, ku ciindi caku mangolezya. Wa kaamba. Wa ka cisyomezya.

²⁴⁴ Kwakali zibeela zyotatwe zya ncico, mbuli Mbwe amba. I bakafwida bukombi bwabo, bukkalo bwa baabo bakafwida bukombi bwabo, bwa ncico; elyo mpawo cibeela ca basilubambululo; alimwi lino nciindi ca kwiitwa kuzwa.

²⁴⁵ Cindi kwamana, ku Bukkalo bwa Laodikeya, kweendelana ku Ciybunuzyo 10, maseseke oonse amu Bbaibbele ayo zibwa kuli Nabwiinga. Sa mbo mbubo? [Mbunga yaamba, “Ameni.”—Mul.] Ciybunuzyo 10. Amu swiilile kabotu lino. Uh huh. Nabwiinga, kwiitwa kwiinda ku Ijwi; Kristo Mwini kaita Nabwiinga kuzwa, kubamba antangalala Bahebrayo 13:8, kuti Ngu “mbobuca nguwenya, sunu, amuya myaaka,” ulacita cintu nciconya, ngu mbobuca. “Oyo usyoma Ndime, milimo Nje cita uyo icita awalo.” Mwabona? Luka 22...Na, Luka 17:30, a walo Malaki 4, Bahebrayo 4:12, oonse Magwalo aya aka syomezegwa, eci cilaakati ka Cinamatizyo Cacisambomwe a Caciloba, a Mweembo Wacisambomwe a Waciloba.

²⁴⁶ Pobwe lya pentekoste limanina kuciindi ca Mweembo Waciloba, nkambo citobela Nkuboola kwa...Cinamatizyo Caciloba, nkambo citobela maseseke aa Kuboola kwa Kristo,

alimwi, akwalo, Mweembo ulilila ba Juda. Mweembo wabo Wacisambomwe walila, alimwi, cindi walila, ula bayubunwida Mwana wa Leza; cisela caoora wa mwaakwe. Amuyeeye, Mweembo yoonse yakalilila Cinamatizyo eci Casisambomwe. I Cinamatizyo Cacisambomwe cimanizya maseseke, kensi lya Cinamatizyo Cacisambomwe, kacitana julwa buyo Caciloba.

²⁴⁷ Amubone, mbaaba Balevitiko 23:26. Obo Lugwalo mbo luli mu matobelanwa! Kumane ciindi cilamfu ca pentekoste, eco Israyeli nca kakaka kaindi okuya; nkabela Wa kaita Mbungano ya Bamasi, kwiinda mu pobwe eli lya pentekoste. Mbangaye bamvvisya pobwe lya pentekoste mbolibede? Walo mucelo wa...kabalwebalwe ka butebuzi, kabalwebalwe ka bubuke, pobwe lya pentekoste.

Muta impyi ceeci, nobantu! Alimwi, anywebo nomuli ku teepu, amu swilile kabotu!

²⁴⁸ Eci cakali ciindi ca pobwe lya pentekoste. Iba Juda baka kkala zii; baka Li kaka. Lino beeleder kwiitwa kujokela ku Mulungo. Tu lizi Oyo iwakali Mulungo; teeba kaziba. Elyo Mweembo wakalila, kumane jubbili ya pentekoste, wiita ba Juda antoomwe. Ta mukonzyi kubona nzila oyo Mweembo na, wa kupenzegwa kensi lya Hitler a bamwi, wakalila? Elyo ba Juda baka sungilizigwa kuboola antoomwe, ku kuzulizya Malembe.

²⁴⁹ Lino mwa cimvwa na? Boonse abo bacimvwa, baambe, "Ameni." [Mbunga yaamba, "Ameni."]—Mul.] Ncibotu. Yaa.

²⁵⁰ Amubone awa mu Balevitiko, 26 lino, matobelanwa aa Magwalo. Kumane ciindi cilamfu ca pentekoste, eco cimanina mu kwitiitwa kwa Nabwiinga, Nabwiinga ula itwa kwiinda ku mulanda. I Waakakwa, utobela, kuyubununwa kuli Israyeli, pobwe lya Mulungo. Amubone, nceeci nciconya mbuli mu Balevitiko cipati ca 16, lino, cindi Na kalailila pobwe lya pentekoste...na pobwe lya mulungo, pele mu busena obu bala itwa...

²⁵¹ Oh, obo mbo cilondokede! Mwa cimvwa, nobakambausi. Mwabona? Muta ciimpyi, nobakutausi.

²⁵² Mu pobwe eli lya pentekoste, eelyo liimininwa mu Balevitiko 23:26, na 23 a 24, ndi pobwe lya koomoka, kutali kujaya, lya pobwe. I pobwe lya kajaigwa...I mulungo wa kajaigwa, mubwini. I mulungo wa kajaigwa. Balevitiko 16, ila konzya ncobeni kuli nguwo. Buyo, mu busena obu, bwa kaitilwa Israyeli ku koomokela zibi zyabo. Obo mbo cilondokede, sunu! Takuli kujayulula Nguwo; oyo, Musa wakaiminina, kwiinda ku kuuma mwaala ciindi cabili; tii cakabeleka. Kutali kupobola, kwa pobwe; pele koomoka, kwa kukaka Mulungo. Oh, ma! Oyu uyooba Mweembo; pobwe, ku kakwa, mpawo Mesiya wabo uyo yubununwa.

²⁵³ Amubone, bayo ziba Mesiya wabo cindi baku Mu bona. Ula boola mu nguzu, ciindi eci, Umwi ngo bakalangila. Ula boola

mu nguzu, nkambo ka Nabwiinga Wamasi, elyo ba Juda bayo Mu ziba. Elyo mpawo Bbaibbele lyaamba kuti... Twa kazwa kumanizya kukambauka ali ncico okuno, kutandila myezi ili cisambomwe yainda, na kwiinda. I Bbaibbele lyaamba kuti, cindi ba kuti, "Nkokuli Nko kajana ziyo ezi?" Mbangaye bauyeeya Mulumbe? Tambika janza lyako. Masimpe, yebo... Mwabona? "Nkuuli Nko kajana ziyo ezyo?"

Wa kati, "Mu ng'anda ya beenzuma Bangu."

²⁵⁴ Mula ndiyeyea nkekambauka aa i—i cindi Jakobo naka tuma bana ba Israyeli kumusanza kuyo bweza zintu, elyo zyakulya a zintu, alimwi obo Josefa mbwa kalilemeka mbuli kuti ta kabazi; alimwi obo zintu ezi zyoonse mbo zya kazumanana, mpawo wa kalizibya mwini? Mula yeeya? Elyo bakali yoowede maningi, ba katalika kulila. Mbubonya mbuli mapenzi aa Jakobo.

²⁵⁵ Elyo awa tujana ba Juda kunsi lya kupenzegwa; kutaziba awo mpo baimvwi lino, pele haya bupiluka.

²⁵⁶ Elyo cindi baakubona kubonekela kwa Mulungo, Bbaibbele lya kati, "Cindi niba kacibona," ba kati, "bayo pambula umwi munzi kuzwa kuli umbi, a koomoka kwa mazuba, mbuli ii—mbuli mukwasyi oyo wasweekelwa mwana wabo uli alikke. 'Nkokuli Nko kajana ziyo ezi?'"

Wa kati, "Mu ng'anda ya beenzuma Bangu." Mwabona?

²⁵⁷ Amuyeyeye, Nabwiinga uli ku Julu kale; mukaintu wa Josefa wakali mu ng'anda yabwami. Elyo Josefa waka mwaisya zintuzyonse zya ka muzungulukide, nkabela wa kali yubununa kuli babunyina; nywebo mwabona, Mukaintu Wakwe a bana abalo bakali mu ng'anda yabwami cindi Na bweedela kuliyubununa Mwini kuba Juda. Ngooyo Mulungo. Ngooyo Mweembo wanu ulila. Mpaawo mpo baamba kuti, "Oh!" Ino ncinzi? Ngooyo Mulungo. "Nkokuli ziyo nkozya kazwida?" Nceeco we.

"Mu ng'anda ya beenzuma Bangu."

²⁵⁸ Mula yeeye eco babunyina ba Josefa nco bakaamba? Baa, ba kati, "Lino tula jaigwa, masimpe ncobeni. Twa kacita ceeco. Twa kacita bubi buli boobo."

²⁵⁹ Wa kati, "Pepee, Leza wakacita ceeci ku kuvuna buumi." Mula yeeya kaano, mu Matalikilo? Mwabona? Mbubonya Wa kacicita mu nzila eyi, ku kuvuna buumi bwa Bamasi, Nabwiinga. Wakati, "Nda kazijana mu ng'anda ya mweenzuma Wangu; pele muta nyemi pe, mwabona, muta liyoosyi lwanu."

²⁶⁰ Ba kati, "Oh, ma! Sena twa kaimpya ncobeni ku Mu bona? Sa oyo wakali Mulungo, alimwi twa ka Ci impya? O Leza!" Elyo ba kati, "Abali pambule beni, a koomoka kwa mazuba." Ino ncinzi? I Mulungo; kuusa. Eci ciindi, kuboola kwa kuyubununa, Mulungo, kutali mulungo wa lyoonse kujaigwa, mbuli mu Balevitiko 16.

Pele Balevitiko 23 nciindi ca koomoka, kwa zibi zyabo. Elyo, zibi zyabo zyakali, zya Kuu kaka.

²⁶¹ Oh, sa tamu boni awo mpo tubede? Sena mwabona kaambo Myeembo ncoi taambi cintu kuli ndiswe? Ya kalilila kunsi lya Cinamatizyo cesu Cacisambomwe. Nywebo mwabona kaambo Muuya Uusalala ncowa takा ndilekela ku cikanana? Elyo Taata Wakujulu ulizi, a Bbaibbele eli kumbele lyangu, kuti Mbwini. Nseka cizi kusikila jilo, buzuba bwa zona; mu kaanda kangu keni omuya Mwa ka ciyubununa, wakaboola kuli ndime a ku ndaambila. Nda kapiluka, Nda kati, "Mukaintu, Nda cimvwa lino. Wa zwa kundi swaana omuya a ku ndambila. Nceeci mbo cibede, oyandwa." Mwabona? Mwabona, nceeco we, mwabona, cakulondoka buyo mu lumvwano.

²⁶² Oh, bantu bata Mu jisi, munjile cakufwambaana! Inga caba coolwe camamanino nco muyosola kuba aco. Ta muzi ciindi Nca konzya kuboola.

²⁶³ I pobwe lya myeembo. I Bbaibbele lilaamba, "Bayo lipambula beni, umwi kuli umbi, a kupaila a koomoka, nkaambo mbuli muntu ujisi mwana omwe wasweeka."

²⁶⁴ Amulange, Ndi yanda kwaamba cintu comwe cimbi. Kabotu loko lino; muta ciimpyi eci. Obo mbo cibotelezya! Kuzwa kuli angelo waciloba iwa (mutumwa wa Cinamatizyo Caciloba) Mulumbi mu Ci'yubunuzyo 10, wakali Cinamatizyo Caciloba, ku Myeembo ili Ciloba, aakati ka ziindi ezyo zyobilo . . .

²⁶⁵ O Leza, mbobuti mbo tukonzya kwaamba Ceeci, kubamba bantu kuti ba Ci bone?

²⁶⁶ Cili aakati ka Mweembo oyo Wacisambomwe, a Mweembo Wacisambomwe alimwi . . . I Mweembo Wacisambomwe a Cinamatizyo Cacisambomwe zililila aa ciindi comwe. Alimwi aakati ka Mweembo Wacisambomwe a Mweembo Waciloba, kuli musinsimi ulibonya kumbele lya Bamasi, ku kwiita bantu kupilukila ku Njisyo ntaanzi ya pentekoste; alimwi bakamboni bobilo iba Ci'yubunuzyo 11 kulibonya kuba Juda, kuba tuma kuli Jesu, kuciindi Mbungano noili mukutolwa kujulu. Boonse babo, basinsimi! Amen! I Ijwi lya Mwami tali konzyi kususigwa. Tali kabi kabungwe! Sena mwacibona?

²⁶⁷ Bala mu Bbuku lyako awa a kubona ikuti na eco aakati ka Mweembo Wacisambomwe a Waciloba ta zinjili omuya, kulekela ba Juda mu kwiitwa akati ka Cipenzyo Cacisambomwe a Caciloba, twa kaboola okuya kuli bali zyuulu zili mwaanda a makumi one abane (mula ciyeeya na?), eco cakali aakati ka ceeco. Sena mula yeeya? Aakati i—i—i Cacisambomwe, Cinamatizyo Casanu a Cinamatizyo Cacisambomwe . . . Aakati ka Cinamatizyo Cacisambomwe a Cinamatizyo Caciloba, kwakali kwiitwa kwabali zyuulu zili mwaanda a makumi one abone. Sa mula ciyeeya? Lino

mpaawo myeembo eyi mpoi njilila mpoonya awo, mwabona, a kupenzegwa, a mbizi zya kaangululwa awo.

²⁶⁸ Mpawo, aakati ka ceeco, mpawo kwa keelede kuba Mulumbe wa angelo waciloba, oyo waka kambaukwa a kutapatila ba Pentekoste. Elyo Jesu waka tandwa; taka konzya kubeleka aa umwi, kabikkwa aanze, waakakwa. I Bbaibbele lyakaamba boobo. Nkambo, ngu Kristo wayubululwa aakati kesu, Jesu aakati kesu toonse, kuyubululwa mu kunjoloma kwa Ijwi Lyakwe, ku Li yubununa. Elyo ikuti na cili . . .

²⁶⁹ Oku takuli kupangapanga buyo, beenzuma. Oyu ngu MBUBOOBU MBWAAMBA I MWAMI, Lugwalo.

²⁷⁰ Elyo ku ciindi nciconya . . . Lino, Mbungano (Nabwiinga) eyo mbwiiyo letelwa antoomwe, Ya katolwa kujulu; elyo maseseke ayo aa Cinamatizyo Caciloba, na Cinamatizyo Caciloba, maseseke akuunka. Elyo ba Juda baitwa kwiinda ku maseseke aa Mweembo Waciloba, bali mbasinsimi bobilo, Eliya a Musa, nkabela baka jokela. Elyo mpaawo ba Pentekoste mpo banyongene kapati; ba langila cintucimwi kucitika; Mbungano yakainka kale. Alimwi eco ncakuba Juda.

²⁷¹ Lino, Nda mvwa mu mizeezo ya muntuumwi, kati, “Oyo takonzyi kuba Musa.” Iiyi, ngo nguwe. Lino, ko yeeya, Ula konzya ku ndaambila miyeeyo yako. Uh huh. Uh huh. Nda kuzamanana kumvwa eco kulo- . . . Yaa.

²⁷² Andi lulamike ceeco kuli nduwe. Wa kali Musa. Nkaambo, ngooyu tuyeyo wako. Yebo waamba, kuti, “Musa, ta konzyi kuba Musa, nkambo Musa wakafwa.” Yebo uyeeya kuti ngu Eliya. Ngu Eliya, masimpe. Kakuli, uyeeya kuti, “Ngu Enoki.” Yebo wati, “Musa uwifide kale.” Pele, yeeya, wa kakonzya kujokela ku buumi alubo. Wa kacita. Nikwakainda myaka ili myaanda ya lusele, nikwakainda myaka ya myaanda iikubwene, wa kalibonya aa Mulundu wa Kusanduka. Yebo wati, “Naka mana kufwa oyo muntu?” Iiyi, munene. Lazaro wakali fwide; wakabuka alubo; elyo mpawo wa keelede kufwa alubo. Mwabona? Masimpe. Uh huh. Elyo abalo babi bayo busigwa ku buumi alimwi, elyo mpawo beeleder kuyofwa lufu lwabili. Sa mbo mbubo? Aboobo gwisyu ceeco mu mizeezo yako. Walo ngu Musa. Langa mulimo wako, mbubonya buyo eco Musa a Eliya ncoba kacita; baka jala majulu a kufwafwaza mulilo ali ncico. Nywebo mulizi eco cintu ncoba kacita.

²⁷³ Amu ciyeeye! Calo nciindi cakumamanino, nobantu. Aleluya! I Buzuba bupati bwa Mwami buli afwaafwi. Amuli bunganye antoomwe nobeni. Pobwe lya Mesiya; bayo Mu kaka, alimwi bayo jana kuti ngooyo Mesiya wabo. I Bbaibbele lya kaamba kuti zintu ziboteleyza mbuli zeezi ziyo citika.

²⁷⁴ Mu Ciyubunuzyo 11, kwiita, mulimo wabo uyooba mulimo wa Musa a Eliasi kwiita kuli Israyeli, kuzwa mu tunsiyansiya twa Cijuda; mbuli buyo Mulumbe wa angelo waciloba mbwa

kaita Nabwiinga kuzwa mu kansiyansiya ka Pentekoste. Amuyeeye, Musa a Eliya ngwa kwiita Israyeli kuzwa ku mulungo wakale iwa kabelele, a mbelele, a bulowa, a mpongo, a cituuzyo, kuya ku Cituuzyo cini cuumi, kuya ku Ijwi.

²⁷⁵ Elyo Mulumbe wa angelo waciloba, kensi lya Mweembo nguonya, zintuzyonse mbubonya ncobeni, Cinamatizyo nciconya, nca ku (kunzi?) kwiita bantu, Nabwiinga, kuzwa mu kansiyansiya ka Pentekoste a inyika, ku Mulungo wini, Ijwi, Kristo wakali kozyanisya mu Ijwi Lyakwe okuno, kaba mu mibili aakati kesu. Sayaansi yaka citondezya, kwiinda ku zifoto. I Mbungano ili cizi, ku inyika yoonse. Tuli cizi cakumaninina, nkambo Tana twambilide cintu comwe muli MBUBOOBU MBWAAMBA I MWAMI pele eco cakali ca Bwini. Sena Ta kaamba, kunselelo okuya ku mulonga, "Mbuli Johane Mubapatizi mbwa katumwa, mbubonya oyo Mutumwa uyo somona . . ."

²⁷⁶ Nda langa atala, nkabela ngu twelufu okuloko. I oora lyakatikamasiku lyaba, beenzuma, ali ndiswe. Mwabona obo cakulondoka Lugwalo mbo lubede? Cakulondoka, obo Li . . .

²⁷⁷ Kuteeti, amulange, eco ta cikabi kabunga kamwi kumusanza okuya kuyo ita ba Juda. Ba yooba baalumi bobilo, Musa a Eliya. Bobile babo, basinsimi.

²⁷⁸ Lino amulange. Ku kwiita Bamasi, Nabwiinga kuzwa, Wa kasyomezya muli Malaki 4 kucita cintu nciconya.

²⁷⁹ Elyo Bbaibbele lya kati Uyo tandilwa anze lya mbungano, mu Bukkalo bwa Mbungano Yaciloba. Uyo tandilwa anze lya mbungano. Iyo siya mbi, a kuunka . . . Mpaali mpo cisiya mbi? Yalo injila muli cee ciyanza cabapaizi, mu kkanso yabapaizi, Kkanso Yanyika iya Mambungano. Yalo . . . Wa katandilwa anze cakumaninina. Ijwi Lyakwe, taba konzyi kuzuminana a Ndilyo. Nyewebo mulizi kuti taba konzyi. Taba konzyi akwalo kuzuminana mu tukamu twabo tuniini; mbobuti mbo bayo zumanana muli Leelyo? Aboobo, ba bweza caando cimbi ca munyama, cinkozya ku munyama. Amuyeeye, Bbaibbele lyakati, "Kwakali cinkozya cakapangwa ku munyama."

²⁸⁰ Alimwi eyi United States yakali ya mweelwe wa kkumi aitatu lyoonse. Ya katalika a masi ali kkumi aitatu, zisi zyakweendelezya zili kkumi azitatu; nyenyezi zili kkumi azitatu, myeengo ili kkumi aitatu; mweelwe wa kkumi aitatu, alimwi lyoonse mwanakazi. Ula libonya mu cipati ca kkumi azitatu ca Ciybunuzyo. Elyo, kusaanguna, ngu kabelele; bubombe, ka Iwanguluko lwa kwaambaula, Iwanguluko lwa bukombi, a zimwi zimbi; elyo mpawo ba tambula nguzu, a kwaanba ca nguzu zyoonse simwaaba nzya kajisi kale kumbele lyakwe. Ino ncinzi? Ino simwaaba wakali ni? Rome. Mwabona, kajisi caando, cinkozya ca munyama, ca kubuka kulwana

Mbungano ya Leza iini. Kunsi lya tubungwe, ciyo njizya cintu eci mu mpenzyo! Pele, cindi batalika kucicita:

I Kabelele kayo tola Nabwiinga Wako kuyooba
 ku lubazu Lwako lyoonse,
 Oonse makamu aaku Julu ayo bungana;
 Oh, kuyooba kubonekela kwabulemu, basalali
 boonse mu kutuba kutakwe kabala;
 Elyo a Jesu bayo pobola Cabutamani. Ameni!
 “Amuboole mulye,” Simalela ulaita,
 “Amuboole mulye.” Ameni!

²⁸¹ Ino mbuzuba nzi mbo tuponamo, oora! Amuzuze, nobantu, amu zuzile maumi anu!

²⁸² Amubone lino, mu kujala, mulimo mbuli angelo waciloba. I bakamboni bobilo, kunsi lya Mweembo Waciloba, kakutanaba buyo...na, Mweembo Wacisambomwe, kakutanaba buyo kuti Mweembo Waciloba wamani-...

²⁸³ Lino, amuyeeye, alimwi Nda kamwaambila kuti Ndiyo josya oyu, “Mweembo Mupati.” Wa kati, niinzi Ncayo cita, omuno muli Isaya? Wa kati, ku...“I Mweembo Mupati uyo lila. I Mweembo Mupati!” Kutali Myeembo lino, pobwe lya myeembo; kuli yobilo yayo, Musa a Eliasi, ku kwitta kwa Mweembo. Pele, kunsi lya “i Mweembo Mupati,” Kuboola kwa Mwami, ku kwaambilizya kubweeda kwa Josefa, mwabona, kuteti masi oonse ayo bunganina ku Jerusalemu. Ameni. Mula cijana eco mu Bbuku lya Isaya. Nda zwa kucipa kuli ndinywe, kaindi kainda, cimwi ca macapita ayo nge twa bala; eco cili muli Isaya 18:1 a 3. Elyo muli Isaya 27:12 a 13, mpempawo Mpa lizya oyo “Mweembo,” a masi oonse ayo tambula Israyeli munyika yayo yakuzyalilwa, Leza a njiyo.

²⁸⁴ Mpawo Nabwiinga uyo boola kuba a Simusa, alimwi Simusa a Nabwiinga; elyo mpawo Mileniamu mpati, inyika yoonse yaakumana kunyonyoonwa ku nguzu zya atomiki. Elyo kuyooba “majulu mapya a nyika mpya,” bayo opona kwalyoonse.

²⁸⁵ Amulangisye, nkoonya kunsi...Lino amubone, mulimo wa Musa a Eliya uyo...Lino, boonse bacimvwisya na? Andi caambe alubo. I mulimo wa Musa a Eliya, aakati ka Mweembo Wacisambomwe a Waciloba, kuyooba basinsimi bobilo abo bayo...ba...Israyeli lyoonse yaka syoma basinsimi bayo.

²⁸⁶ Lino, nkaambonzi Muuya Uusalala nco waka ndaambila cindi Ne katalika kutala okuya, kuba tondezya kuti Wa kali Mwana wa Leza, kati, “ta kunaba”? Mula yeeya eco, kutandila myaka yosanwe yakainda, mu lweendo lwangu lwakuya ku India? [Mbunga yaamba, “Ameni.”—Mul.] Kati, “Uta cicit.”

²⁸⁷ Nda kati, “Ba kati, ‘Ikuti na oyu ngu Mesiya, atu Mu bone kacita citondezyo ca musinsimi. Tula syoma basinsimi.’”

²⁸⁸ Mukwesu Lewi Pethrus a bamwi baka nditumina Mabbabbele ayo; cindi niba kavozya ali milioni ku ba Juda bakali kuzwa mu Iran a koonse, kaba jokela, kabali bunganya beni antoomwe, kuba cisi.

Nda kayeeya, “Eci nce ciindi cangu.” Nda kali libambilide...Cairo, Egypt.

²⁸⁹ Wa kati, “Uta ciciti lino. I oora talina sika.” Mpawo Nda kajokela ku muunzi. Uh huh. Oh, ma!

²⁹⁰ Musa a Eliya beeleded kwiita. I jubbili ya pentekoste iciya buya, na yaka kkwana kusikila ku ciindi eci. Mwabona? Lino pobwe lya Myeembo lya yubununwa. Elyo cimwi eci okuno ca Malaki 4 ta cisangene a cimwi eco awo; peepe nconzyo, peepe nconzyo. Amubone, amulangilile awa, mulimo uyooba Musa a Eliya, kucinca a kwiita Israyeli kuzwa ku tunsiyansiya twa Cijuda, amuswiilile, kuzwa ku tunsiyansiya twa Cijuda omo moba kanyongene. Mukuba basinsimi, bayo syoma—bayo mu syoma, ku baitila ku pobwe lya Mulungo, Kristo, kuba lekela kuziba Kristo. Bayo amba, “Ula boola. Uyo oba kokuno.” Iba Juda bayo bungana, zintu mbuli zeezyo.

Elyo mpawo cindi Aku boola, akwaamba, “Mpaawa Mpendi.” Mwabona?

“Nkuuli Nko kajana nembe?”

“Mu ng’anda ya beenzuma Bangu.”

²⁹¹ Lino, mbubonya abo basinsimi bobilo ncoba kacita! Amuyeeye, Nabwiinga wa Bamasi weelede kuba a musinsimi, uitegwa Elias, Eliya, uyo baita kuzwa mu tunsiyansiya twabo, Nabwiinga; mbubonya buyo abo basinsimi mbo bayoita ba Juda kuzwa mu bukombi bwa Bujuda, kuya kuli Kristo, Mulungo. Elyo Bamasi baluuzi kale Mulungo, pele nkwa kwiita Nabwiinga kujokele ku Mulungo mutaanzi, oko aya masabata ali (makumi ali osanwe) ba...Oonse aya masabata ali ciloba ngo beeleded kutantamuka; kuba pilusya ku ciindi camamanino. I ciloba... Amuswiilile! I mutumwa wa Mbungano Yaciloba, mutumwa wa Mweembo iwa Ciloba, mbasinsimi boonse. Lino, mbo mbubo.

Kanjizigwa, bali zyuulu zili mwaanda a makumi one abone.

²⁹² Kwiita, Zinamatizyo, ezyo zyakali kuli Bamasi. Ca keelede kuba Bamasi, ku kujula kuli Bamasi, ku kubona Mbungano ya Bamasi. Nku konse nko tuzi. Nku konse nko tuyoswiilila; eco cakainda kale. Tu langila Jesu.

²⁹³ Yebo wati, “Lino, lindila aniini, Mukwesu Branham, Ndi syoma kuti bayo cita ceeći.”

²⁹⁴ I citondezyo camamanino eco Abrahamu...Elyo tuli Lunyungu lwabwami ilwa Abrahamu; Nabwiinga. I citondezyo camamanino eco Abrahamu nca kasola kubona kakutaninga kuba citondezyo caka syomezegwa kuboola...mwana waka syomezegwa kuboola, cakali buti? Leza, mu ciwa ca muntunsi,

wa kakonzya kutweluka miyeeyo ya bantu; muntu omwe, kutali banji; muntu omwe, takukwe makani kulikozyanisya kunji. Ba kajisi Omwe, alimwi Wa katweluka miyeeyo eyo yakaliko. Inzi? Elyo, cintu citobela cakacitika, Abrahamu a Sara bakasanduka kuba mwaalumi a mwanakazi mukubusyi. Tu lizi obo.

²⁹⁵ Lino, Ndi lizi eco cibaanga camu sika aniini lino. Pele, amuyeeeye, buyo kutegwa mube masimpe kuziba lino... Ta mubali Bbaibbele mbuli *boobu*; mubala aakati ka mizila a kubona, kubamba ciimo cini kusika.

²⁹⁶ Amulange. Sara wakali mucembele, Bbaibbele lya kaamba. Waa, ba... “Luzyalilo lwakwe lwakali manide.” Sa mbo mbubo? “Buumi bwa Abrahamu bwakali manide muli nguwe, lunyungu lwakwe.” Sa mbombubo?

²⁹⁷ Lino, amuyeeye, lunyungu lwa Abrahamu lwakali manide. Nikwainda myaka ili makumi one wakazyala bana bambi balombe bali ciloba kwiinda ku mwanakazi umbi. Ino Wa kacita anzi? Wa kasandula mibili yabo.

²⁹⁸ Amulange, ba katola lweendo lwa mamaile ali myaanda yotatwe, kuselemukila ku Gera, lweendo lulamfu lukubwene lwa mudaala. Kati...

²⁹⁹ Elyo Sara awalo waka yeeya kuti teeба kali kukonzya kuba a luswaanano lwa mukwasyi. Waa kati, “Mebo...” Myaka ili makumi obilo na iinda, ndiza, kaba taninga kuba a luswaanano lwa mukwasyi. Kati, “Mebo nde mucembele, a mwami wangu, awalo, kuba a musaalo alubo, mbuli bantu bakubusyi?”

Wa kati, “Sa kuli cintu ciyumu kuli Leza?”

³⁰⁰ Amubone eco cakacitika. Mpoonya biyo waa kasanduka kuba mwanakazi mukubusyi mubotu. Kutondezya, omuya, kukozyanya eco Neayo cita ku Lunyungu lwabwami ilwa Abrahamu, ku kutambula Mwana oyo waka syomezegwa. Waa kasanduka kuba mukubusyi...

³⁰¹ Amulangisye, ba kaselemukila ku Gera. Elyo ncinzi cakacitika? Abimeleki, mwaami, waka tuyanda, wakati, “Walo mubotu a kweebeka,” nkabela wakali siku mukwata. Sa mbo mbubo? Mucembele mukulukulu; a boonse babo bambi basimbi babotu kumusanza okuya. Banene, “Balo baleebeka. Balo mbabotu kulanga.” Mwabona?

³⁰² Leza wakasandula mubili wakwe, aku bacinculula. Alo maseseke aeledé kuyubununwa lino mu buzuba obuno, kwiinda ku Mwana wa muntu, mwabona, Mulumbe waku mangolezya. Mwabona? Ba kacinculwa! Elyo eco cakali citoondezyo camamanino ncoba kabona, cakali (cinzi?) kutweluka oko, kakutana boola kusandulwa kwa mubili.

³⁰³ Elyo katutana kukonzya kusola kutambula Mwana, ncinzi cicitika? “I mweembo wa Leza uyo lila; bafwide muli Kristo bayo buka lutaanzni, mubili mupya; alimwi swebo to baumi a basyede

tuyo cincwa, mu kaindi kaniini, mu kulaba kwa liso,” aleluya, “alimwi tuyu kwempwa antoomwe, kuyo swaana Mwami mu mulengalenga.” I makani asisidwe ayu bununwa; Zinamatizyo zya juka.

³⁰⁴ I Mweembo waka lilila Israyeli; basinsimi bobilo bali libambilide kulibonya. Ino ncinzi? I Mbugano yeelede kuzwa aa cilao ndyoonya lino, kutegwa bakonzye kulibonya. Ta konzyi kubeleka a bobilo ku ciindi comwe; Tana cita. Mwabona?

³⁰⁵ Oh, mukwesu, langisya! Mbuganya, ku kwiita boonse, kubaita kuzwa mu tubungwe a tunsiyansiya. Lino tula bona mbungano ya bukkalo bwa pentekoste kuti bulimanide.

³⁰⁶ I Nabwiinga weelede kuzwa mu nzila, ku kwiinka kujulu lino; aboobo balanda bobilo, balanda bobilo ba Leza, mu Ci'yubunuzyo, basinsimi bobilo, inga balibonya aa cilao, ku kulizya Mweembo Waciloba kuli mbabo, kuyubununa Kristo kuli mbabo.

³⁰⁷ I angelo waciloba, mutumwa, ulati, “Amubone Kabelele wa Leza oyo uugusya cibi ca inyika!” Kutali, “amubone Methodisti yangu, Baptisti yangu, Pentekoste yangu.” Pele, “I Ijwi, Mwana wa Leza, Kabelele wa Leza oyo uugusya cibi ca inyika,” nkambo kwiina ntalisyo zimbi ziliko! Nyewebo mwabona?

³⁰⁸ Twa tola ciindi cilamfu buti? Iba Juda bali mu nyika yabo ya cizyalilo. I Nabwiinga waitwa. Camalembe, zintuzyonse mbubonya buyo Mbwa kasyomezya. Tuli libambilide. I oora lyu sika.

Masi alimukumwaika, Israyeli ili
mukusinsimuka,
I zitondezyo ezyo Bbaibbele ndozya kasinsima;
I mazuba aa Bamasi akkwana, a kupenga
kuyoosya;
Amubweede, O nomu mwaikide, kuli mwanu.

I buzuba bwa lununuko bwaswena,
Myoyo ya bantu ili mukuwizuka nkambo ka
buyoofu;
Amu zuzigwe Muuya wa Leza, a kubamba
malampi kapukutidwe a kuyaka kabotu,
Amulungumane, lununuko lwanu lwaswena!

Basinsimi babeji bali mukucenga, bala kaka
Bwini bwa Leza,
Kuteeti Jesu i Kristo ngu Leza wesu; (mbo
mbubo)
Pele tuyu enda awo baapostolo mpoba kalyata.

Nkambo buzuba bwa lununuko bwaswena,
Myoyo ya bantu ili mukuwizuka nkambo ka
buyoofu;

Amu zuzigwe a Muuya, malampi anu kapukutidwe a kuyaka kabotu, (utalyi coolwe)

Amulungumane, lununuko lwanu lwaswena!

³⁰⁹ I musinsimi wakati, “Kuyooba Mumuni ku ciindi caku mangolezya.”

Kuyooba Mumuni ku ciindi caku mangolezya,
I kazila yaku Bulemu moyo kajana ncobeni;

I nzila ya mu meenda, ngo Mumuni sunu,
Kuzikkwia mu Zina liyandisi lyu Jesu.

Nobana a bapati, amweempwe ku zibi zyanu
zyoonse,

I Muuya Uusalala uyo njila ncobeni;

I Mimuni yaku mangolezya ya boola,

Nkasimpe kakuti Leza a Kristo bali Bomwe.

³¹⁰ Tuli waano! Tuli ku mamanino. Eco tacili buyo cintu cimwi cabufuba bwa muntu. Oyo ngu MBUBOOBO MBWAAMBA I MWAMI.

Atu kotamike mitwe yesu.

³¹¹ Leza Siluse, Jehova, Singuzuzyonse oyo wakandindima a Cilundu ca Sinai; elyo bantu baka kwila, “Lekela Musa akanane, kutali Leza, ulabona twafwa.” Wa kati, Jehova Mupati, “Njo babusizya Musinsimi. Nse kaambauli limbi kuli mbabo mbuli boobu.” Pele Wa kasyomezya eco Nco wakali kuyoocita, nkabela Wa kacicita; Wa katu busizya Mwami Jesu. Walo ndi Ijwi. Wa kaamba kuti Mbwa kabede. “Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza. Elyo Ijwi lyu kabambwa mu mubili wabantu, a kukkala aakati kesu.”

³¹² Tula bona zintu Nzya kasinsima kuli ndiswe okuno, kwiinda ku musinsimi Wakwe, Johane, aa kasuwa ka Patimo. Tula cibona ka cizulizigwa, mbuli mbo kweelede. Tula bona Muuya Uusalala kuyubululwa aakati kesu ano aa nyika. Tula bona tubungwe katu Mu tandila anze lyu mbungano; Ijwi. Taba jisi cintu cilwana bantu; eelyo ndi Ijwi ndo basulaika. Ci lwana kansiyansiya kabo. Mbuli buyo cindi No kali aano aa nyika, Wa kali Ijwi, alimwi Wa kali kulwana tunsiyansiya twabo; nkabela baka Ku tandila anze lyu mambungano abo, koonse.

³¹³ Elyo lino, Mwami, kunyina kubelekela antoomwe, kuli koonse. Kusoleka akwalo kuya mu South Africa, oko Nkwe zyi kuti kuli bantu bamwi ba cilindila. Busena boonse, a kuboneka mbuli kuti taba kandi tambuli, Mwami. Kutali nkaambo ka ndime, Mwami; nku kaambo ka Mulumbe oyu. Pele, Wa ka caamba kuti ciyooba munzila eyi, alimwi Wa kacizibya kuli ndiswe kutegwia tu ta tyompwi. Tu lizi oora ndyo tupona.

³¹⁴ Leza, aba bantu bali kkede cifumo cino, mu kupya oku, kaanda aka kakujikilwa. Bali kuswiilila kabotu. Ba bona lino,

Ndili masimpe. Ikuti na teeba bona, ko ciyubununa kuli mbabo, Mwami, kaambo Nco takandi zumizya kubweza Myeembo eyo. Nda kaibona kuti tai jisi cintu cakucita a ndiswe. Nkoonya ku Mweembo oyo Wacisambomwe, coonse caka citika, alimwi twa kabona kujuka kwa Cinamatizyo Cacisambomwe. Elyo twa kabona cilengaano okuno, mvwiki zyobilo zyainda, zya kusondela Nabwiinda a mbungano, mbuli Mbwe ka caamba okuno. Mbuli buyo Mbo kandi tondezya, Mwami, Nda ka caamba. Mpaawa mpo tubede. Inga kwaba kumukisyia kwiinda mbo tuyeyea.

³¹⁵ O Taata, ikuti na kuli muntu omuno cifumo cino, oyo—oyo waka bweza buyo zya malweza, koongelezya kumwi kwalwiiyo lwa bukombi, na ijwi limwi lyalwiiyo lwabukombi elyo liimpene ku Ijwi lya Leza! Elyo tabazyi Kristo wini, Muuya Uusalala wini. Tauna yubununwa kuli mbabo, Ijwi, pe, obo Ijwi mbo lyeelede kuba mu buzuba obuno. Ba bona biyo kansiyansiya. Ba ponena mu ii—ii Mumuni oyo oofwaazya. Mbuli bufumpi bwiinda maningi obo bwa kasolwa kucitwa mu inyika, bwakali mu England, bwa kacitwa kwiinda kumuni wa Iweeno. Elyo bufumpi bwiinda maningi mbungano Yako mbo yakasola kuba abo, bwakali cindi niba kabweza mumuni wakabungwe a kukaka Mumuni wini wa Bbaibbele, Kristo.

³¹⁶ O Leza, kofwida luse! Kovuna basweekede, Mwami. Akaka, Nda lomba kaindi kambi kaniini, Jesu. Tu jisi bamwi bayandwa. Kaindi buyo kambi kaniini. Calinolino oyo Mwaala mupati uyo kolomonwa kuzwa ku mulundu. Kopa, Mwami, ikuti na kuli umwi omuno cifumo cino uutakwe Nduwe, akube kuti aboole buyo lino, cabubotu, a Ku kutambula.

³¹⁷ Kuciindi notu kotamikide mitwe yesu. Ikuti na inga watambika janza lyako, kwaamba, “Undi yeeye, Mukwesu Branham.” Ta tu jisi... I zipaililo a zintu zili zwide. Leza amu longezye. Kowamba buyo, “Undi yeeye.” Leza aku longezye. Leza aku longezye. Leza aku longezye. Maanza eni buya ali myaanda!

³¹⁸ Taata Leza, kuli kamvule abusena bumwi. Ka gusye, Mwami. Kali kkede omuno mu kaanda. Uta... kwayanda Saatani wakaofwaazya meso abo, mu ziindi zyakaindi, pele Nda komba kuti Uyo fwinya kuli ceeco, mbuli Mbo ka tucitila mu mazuba manji ainda. Pele lino mukuti Wa twiita toonse kukubona... I Bbaibbele lyakati bakali boofu. Tiiba kacizyi. Kati, “Nda kulailila uule kuzwa kuli Ndime cisilisyo cakumeso.” Leza, belesya cisilisyo cifumo cino kubikka ku meso abo, kutegwa bakonzye kubona. Nekubakuti nca bubombe, mu nkamu ya bantu babombe; a babombe, batayiide, a bamwi bambi, pele nekubabobo nje nzila mbo yaka bede kumatalikilo. Ko cipa, Mwami, kutegwa ba Li tambule calino. Nda bapa kuli Nduwe, mu Zina lya Mwana Wako, Jesu.

³¹⁹ Elyo Wa kati, "Oyo uumvwa Ijwi Lyangu." Ndili masimpe, Mwami, mbuli mbwezyi kabotu, ba Li mvwa. "A kusyoma ali Nguwe oyo waka Ndi tuma," kutali kulicengeezya, pele kusyoma kwini, a kusyoma eco Ijwi ncolya kaamba. "Uli jisi Buumi buteeli, alimwi taka booli ku Lubeta; pele wazwa ku lufu kuyaku Buumi." Johane 5:24.

³²⁰ Kopa, Mwami, kuti babe Bako, kuzwida oora eli. Ikuti na kuli kubuzya mu mizeeo yabo, koku gusya. Ikuti na kuli mulwazi akati kesu, lekela Muuya Uusalala mulemu, Mwami, . . . Uuli, Ndi lizi kuti nkouli; alimwi kau yubununa miyeeyo, kawiimvwi awa a cibumbili. Ba lizi boonse kujatikizya ncico. Nda komba kuti Uyo baponya, Mwami. Ingula mibusyo yoonse.

³²¹ I ciziba cila julwa kuli babo batana nyikizigwa mu Zina lya Jesu Kristo, kubweza Zina lya Simusa. Ba jisi zyakabungwe, zyabupaizi; taakwe umwi wakasola kubbizigwa mu mabande aa "Taata, Mwana, a Muuya Uusalala," na kusansailwa; alimwi zintu ezi zya tunsiyansiya zizulilwa ku mambungano aa bukkalo buno, nkamu iilwana Kristo, cinkozya ca munyama. Kwiina wakasola kubbizigwa mu zina lya "Taata, Mwana, Muuya Uusalala," kusikila ku mbungano ya Katolika. Lyoonse Bbaibbele, a makani oonse aakale, nikwakamana, kwaamba kuti baka bbizigwa mu Zina lya Jesu.

³²² Paulo wakati, mu Bagalatiya 8:1, "Ikuti awalo Angelo uuzwaku Julu wasika a kukambauka Makani amwi ambi, abe mutuke." Elyo Wa kalailila bantu abo baka bbizigwa kuli Johane, umwi nguonya waka bbizya Jesu, kuboola a kubbizigwa lwabili mu Zina lya Jesu Kristo, mu Incito 19. Elyo wakati, "Muta lekeli naba Angelo ku mwaambila kufumbwa cintu cimbi."

³²³ Kuyo boola mutumwa mu buzuba bwamamanino, uyo enzya bantu kupilukila ku kabalwebalwe, kupilukila ku Lusyomo lutaanzi. Ko cipa, Mwami, kuti oyo Mutumwa mupati uli akati kesu lino, Kristo mulemu, Muuya Uusalala wasimpikizigwa, wabamba kumvwisy, kujula Ijwi a ku Li yubununa kuli ndiswe, akube kuti Walo utweenzye kupilukila ku Lusyomo, lutaanzi lwa pentekoste. Mbuli Petro mbwa kaamba, aa Buzuba bwa Pentekoste, "Amusanduke, umwi aumwi wanu, aku bbizigwa mu Zina lya Jesu Kristo kuti mujatilwe zibi." Elyo cakali boobo kwalyoonse, ku muntu aumwi, kusikila ku mbungano ya Roma ku Nicaea.

³²⁴ Leza, kofwida luse lino. I ciziba cili bambidwe; myoyo ijukide. Koboola, Mwami Jesu. Tuli ku maoora amamanino. Ikuti na kuli kukonzeka, Mwami, balo kuboola mu oora eli; lili, Nda syoma a kuzumina kuti nde ndilyo. Elyo swoebu notuli mukati, Mwami, akube kuti balingaule tumpangaliko toonse lino, kuti twa kabona a kumvwa Jwi lya Leza kali kanana kwiinda mu

Ijwi Lyakwe, alimwi tu lizi oora ndyo tupona. Ko cipa, Taata.
Twa batuula kuli Nduwe, mu Zina lya Mwana Wako.

³²⁵ Lino a mitwe yesu kiikoteme.

Cabuteteete a cabuuya Jesu ulaita,
Wiitila ndinywe . . .



I POBWE LYA MYEEMBO TNG64-0719M
(The Feast Of The Trumpets)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Nsondo kuseeni, Kunkumunamasamu 19, 1964, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org